

溫州府圖書館藏



處州府志卷之二十

處州府知府黃平曹掄彬重修

藝文志

七言律
七言絕

五言絕
詩餘

七言律

贈處州段刺史

唐方干

幸見仙才鎮

恬初郡城孤峭似仙居
山蘿色裏登臺閣

瀑布聲中閱簿書
德重自將天地合
情高原與世人疎
寒潭是處青蓮界
賓席何心望食魚

錢王相公出牧梧州

唐劉禹錫

公悅

縉雲詎北長沙遠出牧猶承明主恩
城對寒山開畫戟路飛秋葉轉朱幡
江湖淼淼連天望旌旆悠悠上嶺翻
蕭索庭愧空閉閣舊人誰到翟公門

送從姪中丞出牧處州 唐李齊運

溪行直到郡門前夾岼雲峰真可憐
花柳暗飛千里棹松蘿露出一條天
心閑遇物皆成興化溥無人道賢
黃霸卻須懷物色使君何況出當年

蓮城蚤春 以下麗水 陳大鵬

蓮城探勝喜春回圖畫天然面面開
風信到梅難駐足東君有主莫停杯
晨光微放雲迷樹夜氣初舒露浥苔

對此韶華須不負肯教心鏡著塵埃

文英閣 宋秦觀

都門將酒惜分攜歸路駸駸望欲迷
千里又看新燕語一聲初聽子規啼
春風天上曾揮翰遲日江邊獨杖藜
回首三山樓角晚斷雲流水自東西
流落天涯思故園散愁郊外任蹢躅
雲歸邃谷知無雨風捲寒溪沒近灘
已見雁將歸楚澤遙知春又到長安
桑林隴麥依稀是只欠秦川萬里寬

少微閣 宋錢竽

少微閣應少微星點點雲間分外明
雨過曉來添練水

好山晴後見蓮城昔年人物不嘗有近世英豪多間生
顧我把麾漸坐隱落霞孤鷺看題名

又

徐金位

常山

少微分野閣巍然指點星光霄漢連天上遙傳多處士
人間偶摘卽瀛仙址開嵐岫思關尹額映雲霞想米顛
無事頻登縱一眺猶餘檻外萬家烟

又

陳樾

高閣危闌幾度經清光頻借少微星半天雲促山城雨
鷺地風生屋角鈴芳草倚春迷曲徑幽花因月上踈樛
憑吾目力窮千里遙引烟巒入座青

妙成觀

明劉基

我訪仙家溽暑前青楓綠柳暗前川竹根露濕登山屐
沙際鷗迎渡水船雲氣常留虛白室丹光直上蔚藍天
純陽道士重來日爲問蓬萊在那邊

萬象山

張敦復

地控蒼山溟海迴鯨波東抱巨靈開中天樓閣虛空出
萬象風烟曠野來苔古寧磨松雪石秋高况上葛洪臺
微雲點綴城頭月鼓角今宵且莫催

又

喬因阜

關中

峇堯鷲嶺出林端風景真能慰壯觀江上羣山遙對酒

城中萬戶迥憑闌
晴空日隱雲霞爛
綺閣宵分燈火殘
愛客仲宣知未厭
重來倘許更邀歡

又

明郡守朱葵

山深地僻庭無訟
列坐傾泉萬象開
豈謂刑清人自暇
還看機靜物無猜
上方月印一江水
列雉風生萬壑雷
莫訝少微星獨照
安危曾仗出羣才

非劉文成諸公

又

張元樞 燕臺

逶迤飛蹬躡崔嵬
成德隱元古洞開
天半香臺涵萬象
斗間真氣映三台
山圍北屋九封謚
江抱孤城練影迴
入夜歡聲殊未極
月明林杪引行杯

層臺高迥絕塵寰
峙碧流清趁未慳
峻削欲攜謝氏屐
雲烟忽化米家山
一亭扳去身如羽
萬象收來俗可憐
揀學歐翁成一醉
樽前微語欵僧閒

又

蘭溪

秋山秋水映瑤空
萬象森森入鏡中
樺樹連雲環學舍
蓮花簇黛擁禪宮
卽看旅雁飛斜日
忽聽僧鐘度遠風
共指霞標桐柏近
登高授簡憶典公

又

戴澳 剡土

山入蓮城氣自淳
雨餘得象更清真
水肥忽放谿光濶
雲瘦初還峯色新
臺殿涼深烟葉醒
笙歌地迥女華親

滿城烟靄休催暮幾度登臨對古人

又

王明汲

一山高峙對斜暉萬象森羅應少微雲繞雉城依翠巘
天開鷺嶺見禪扉樓前烟樹秋聲遠郭外寒江月影輝
約客振衣還載酒忽聞南浦雁初飛

又

葛伯宜

上虞

崇山突兀俯東甌策杖來登最上頭四壁畫圖千嶂合
萬家烟火一亭收好溪雨過拖新練蒼嶺雲開結翠樓
指數洞天奇絕處不禁芒屨欲相求

又

鮑

餘杭

何處高歌倒碧筒良朋九日陟晴峰咏清邊雁排空字
引滿江楓倚醉容蒼壁斷雲迷舊路荒苔凝雨卓新筇
朝來細數茱萸梗插過寒山十二重

又

郡守

劉廷璣

遼海

絕頂秋風更颯然青藤七尺笑衰年綠從東去河流細
白向南來塔影圓負郭雲開沙漠漠繞城露濕草芊芊
可憐廢壘荒臺畔一日人家一舉烟

秋日登萬象山遠眺

郡守

曹掄彬

黃平

孤峰高矗碧天空萬象微茫指顧中捲入蒼烟連郭北
分來紫氣自城東新橋永障溪成路舊寺重興梵有營

卽此登臨寒已劇莫教葑屋怨秋風

又

沈辰垣 嘉禾

羣峰環簇似蓮葩萬象昭回盡落霞四面雲山供一覽
滿城烟火近千家殘碑蝕字多侵蘚老衲談經聽雨花
杖履從遊思不淺南明還指隔溪沙

遊萬象山有感

王繼祖 邑人

一望蕭條已盡然滄桑更復是何年晨炊斷續蒼雲冷
宿霧迷離旭日圓郊外遠山常拱翠眼前青草更綿芊
厓懷甘苦先憂樂竚看春回萬井烟

又

陳大受 邑人

一上崔嵬思黯然蕭條若此自何年竹籬已破留雲補
甕牖無存借月圓溪曲一灣帆落落城空半壁草芊芊
不堪極目周遭望幾處人家絕曉烟

梅山

遂昌令 湯顯祖 臨川

洞壑辭春早閉關偶然開戶見南山悠悠欲傍停雲去
忽忽那知采菊還碧海心期扶杖裏名山游記臥樓間
朝霏暮杳成何意傲吏懷人向此間

侯山亭子張遺文洞倚梅花到夕曛積砌幾年留晷暖
連廊千載宿氤氳非關山岫心難隱長是成龍氣十分
况復佳人懷日暮山川常見鼎湖雲

歸雲亭望思悠然一徑梅花小洞天但值何郎隨意飲
每逢陶令折腰憐星當處士蓮花郡歲在成童弟子員
并道江西舊桃李投瓊空有淚如泉

釋山

張治統

燕臺

璿宇巍峩玉笋頭滿城佳麗境中浮翠巒雲鎖千層錦
墨沼龍蟠五夜秋斷碣餘書饒古蹟高文爍斗振時流
千年多少循良吏鐘鼓長歌李鄴侯

錦山春望

陳大鵬

遠近春游趁馬蹄好山如錦望中迷嬌含紅樹傳鶯語
秀毓蒼梧引鳳棲天頂摘星雲有路峰頭步月石堪梯

勝放得皆清境佛國何曾定在西
元勳祠

乘時仗策奠華夷帷幄謨謀蔚帝師豹隱騰閣黃石畧
鴻冥終赴赤松期百年勳烈輝寰宇一代文章煥郁離
芹藻獨修贍胥蠶煌煌宸翰照穹碑

園山

張敦仁

新卜茆居傍石臺日從臺上一徘徊爲嫌城市風塵暗
卻羨江山爽氣開練水雨餘飛瀑下巾山雲盡送青來
憐予野眺供遲暮敢負登高作賦才

又山

許國忠

截業圭山起一臺遊城佳麗望中迴入窗紫氣纏奎壁
五夜青藜射斗台刺史風流誇世出諸生文運自天開
與君不盡登臨興把酒凭欄待月來

又

李市鍵

縉雲

新城傑閣半清霄帶月同登縱目遙鼓吹紛紛騰竹馬
絃歌處處度星橋金城煖簇春雲麗玉燭光分午夜調
萬井烟花娛歲節黃堂紫氣正峇峴

又

葉志淑

崔嵬樓閣倚層霄元夕同臨四望遙風遞笙歌來碧落
天移星斗下虹橋銀花夜合千門麗玉燭春回萬井調

今古奇逢開創手文光從此更岿峩

又

單熙載

圭山樓閣倚雲霄躡屐層梯憑覽遙天向麗城開闢苑
人于陸海跨仙橋千門燈火銀花合萬井笙歌玉燭調

回首黃堂一瞻仰文明佳氣正峇峴

白雲山

明邊

貢

絕頂烟霞擁佛宮腰輿百轉路纔通羣山下瞰惟蒼靄
孤嶂高懸有烈風跌坐可憐禪榻穩豪吟那放酒杯定
欲從地主搜靈異東栢名山更幾重

又

吳

觀

覺地樓臺俯大千重霄日月晚雙懸黃金誰鑄高僧塚
闕礎還餘太史篇半嶺數椽新倚枯孤城一瓣舊名蓮
勝遊欲問前朝事雲白山青不記年

又 謝靈運宮殿與百神祀歸風舉山朱顏葵

白雲飛盡見青山知有精廬住此間苔蘚盡留山鹿跡
藤蘿時掛野猿開鏡心水沸天初籟半嶺松香客度關
不為憫農難可到甘霖若為一開顏

又 謝靈運宮殿與百神祀歸風舉山朱顏葵
明郡守 任可容 皖人

雨氣沉山盡欲暝公餘策杖叩山靈徑迴絕巘天逾近
入平原眼倍青峰頂白雲隨短屐林端初月下空庭

歸來暮柝傳呼急太守頽然醉未醒

又 謝靈運宮殿與百神祀歸風舉山朱顏葵
許國忠 宣城

蓬壺高倚白雲隈九日重邀仙侶來疊嶂晴光窗外近
平原秋色掌中開貪看秋菊頻移席笑摘茱萸數舉杯
明月共憐今夜好樓頭莫惜漏聲催

又 謝靈運宮殿與百神祀歸風舉山朱顏葵
明通判 文似韓

日午林霏開宿暝勝遊原不妬山靈壑藏古寺雲俱白
雨過春江峰正青平見城烟迷近郭靜聞僧梵响空庭
歸輿倒載頻回首未是山翁笑獨醒

又 謝靈運宮殿與百神祀歸風舉山朱顏葵
葉志淑

琳宮高敞傍岩隈與客攜尊九日來四望烟嵐平地起
千尋圖畫半天開輕雲點白飄歌席叢菊浮香搖酒杯
信步登臨思無盡歸鴉夕照兩相催

又柔則亦與秋風不敵山靈望蕙何應乾

青山萬疊白雲飛結伴攜觴陟翠微勝飲開尊稱洛社
同來迴瞰並元暉登臨將及重陽候得趣何妨盡醉歸
回首夕光含遠岫還期再集莫相違

又尚中宛別山日重巖山出來香輶劉廷璣 遂海

朔風聲裏雪初晴踏雪凌風上翠屏絕頂正愁三折路
半腰誰構一閒亭無人尋處梅全白任歲寒來石更青

清磬忽從雲外落老僧方課午時經

寺在青霄第幾重門尋不見白雲封林中時過生風虎
潭底常歸帶雨龍繞屋無墻多種竹過橋有路半栽松
卻因翠色交加處遮斷窗南四五峰

王 諸葛羲 溫陵

不爲登高選勝遊桑麻四野訪深秋僧依古剎雲常護
座列名賢志共酬笙吹疑傳梵唄響塵心已向法輪收
郊行無限諮諷意還祝蒼霖到上頭

知府 周茂源 雲間

禪棲偶涉已忘家此去靈山路未賒攬勝春郊遲五馬

版心靜地演三車紫衣座擁中朝賜祇樹庭開絕域花
可奈伊蒲供饌畢起看旛影日將斜

又

韋一鶴 鳩江

綠楊紅樹亂啼鶯選勝尋幽載酒鐙十里山爲遊屐折
千岩花向佛龕迎尊邀上客婆娑典簡約名流曠達生
鐘磬聲聲天外落白雲堆裏萬燈明

又

王 珊 武林

十里岡巒疊畫屏引來鳥道入高冥雲多嶺上全飛白
天在山中半落青林外鐘過聲隱隱刹前松合影亭亭
遊情到此渾無事塵慮從教盡息營

又

梁天卷 邑人

石磴盤空開士闢巖峩紺殿逼高冥山山雲吐峰全白
樹樹秋歸葉半青翠竹凌霄丹鳳尾虬松帶雨老龍形
從飛錫來初地不倦持筇幾度經

又

錢 湛 邑人

雨度尋幽扣石扃雲迷山色晝冥冥沿街落葉臨霜赤
入戶諸峰過雨青洗鉢池中魚弄影散花臺畔鳥忘形
平分老衲烟霞趣不爲逃禪學聽經

御金館

胡存恒 山陽

御金何處得高名華館今看此地成瘦石尚餘千古氣

飛泉不斷四時聲已無江霧連空黯且喜松風滿路清
一卷殘書下山去卻從行次點生平

又

許國忠

迢迢俞嶺數登臨仙吏由來此卻金孤館無塵遺素節
層臺有客寄高吟青山不改當年色明月常懸去後心
我亦勉爲清白吏更從何處覓知音

溪雨亭

宋郡守

劉涇

塵土孤城空自忙不知精舍早秋涼林間磬曲折三里
天上金光月滿堂淨飯打魚剝老木寒灰添火蒸明香
鶉鳩山脚溪聲好流入人間雨意長

佛頭巖

李鍵

鴈築峻嶒枕上流高臨天際眩凝眸海中日月雙浮出
閣外烟雲一監收翼郡規模培節槩題名翰墨振風猷
芳春紫陌多登眺倚棹回看江漢遊

又

葉志淑

千尺浮圖俯衆流登臨便覺豁吟眸峰巒巒翠筆空中見
村郭參差望外收文筆插天于氣象科名接踵樹聲猷
我曹會是青雲客好爲留題紀勝遊

又

單熙載

鴈塔峻嶒鎮楛流扁舟乘興共凝眸晴光漸向千峰散

寒氣旋從盃酒收
文筆自今回
泰運人才端擬潤
皇猷
吾信幸觀文翁化
贏得躋攀一勝遊

南明山

皇甫汈

名山終日俯南郊
出郭纔聞十里遙
直指千峰探化閣
翫依雙樹息塵鏹
梁橫斷壑雲常覆
澗落疎泉雪未消
莫訝使君非好靜
桓伊今就遠公招

又

龔大器

公安

與客攜尊到上方
薜蘿深徑發幽香
苔痕過雨石梁滑
桂子臨風天路長
何處波翻秋水碧
望中雲淨晚山蒼
忘機鷗鳥解人意
猶自羣飛過野塘

又

邱雲霄

山寺尋秋度玉溪
石梁斜日下松枝
摩挲斷碣撫遺跡
剝落前朝字半疑
池淨浴波山月小
洞開歸晚野雲遲
逢人久嬾通名姓
來往山僧總不知

又

朱應鐘

倒石橫梁天柱牢
天空鐘磬落秋濤
樓臺不見南山盡
城樹平看北隴高
日月且堪同對酒
神仙何必問偷桃
來人只解供遊翫
開鑿寧知太守勞

又

王一中

選勝登山路不窮
迢迢直上聳天宮
俯闕世界同漚影

指點烟霞似畫工
谷口泉飛杯筍裏
鶯聲風度管絃中
招邀朋輩多豪興
浮白呼盧笑語逢

張元樞

岳鎮柱維原不斷
川流孔穴去應通
石梁苔滑疎疎雨
合洞欹虛浩浩風
古寺崑峩叢樹裏
行人慘淡夕陽中
樵童話指南明路
碧遶蘆灣下水東

謝啓廷 會稽

藉草春郊興未闌
攀援蘿磴到禪關
半天花雨飛梁外
萬岫烟霞隱几間
山鳥撩人如對語
松風留我欲忘還
密雲不阻登臨屐
天與浮生一日閒

胡繼升 蜀文

遠眺名山興未闌
騰騰散步入禪關
雨添流水高山翠
人坐千岩萬壑間
峭壁元章今色古
洞雲仙子去飛還
三生有幸歌同調
不負清尊一笑閒

李思誠 廣陵

躡屐山巔一倚闌
憑虛寂寂叩元關
潺湲絕澗翻天際
迢遞危樓隔世間
樹色千林經雨潤
嵐光萬壑帶烟還
登臨無限澄清意
敢說浮生此日閒

李叔元 溫陵

古栢仙鷄喚夢闌
追隨羽蓋入雲關
層亭屐躡交跌外

元洞尊開合掌間
雨洗石梁苔更碧
鶴棲珠樹月初還
吳謳嫋嫋添豪興
千仞振衣神自閒

李思敬 典化

南郊秋半晚風清
意氣悠然近酒傾
桂子香濃留積翠
月華影暗卻前旌
一梁石抱高寒色
萬壑雲封窈窕情
愧有招邀仙吏在
僧歸何處說無生

許國忠

相攜仙侶過山家
景入南明分外華
峭壁四圍開梵宇
飛梁一道接恒沙
嵐烟散作晴溪雨
暮靄平分萬壑霞
載酒莫辭歸棹晚
且乘月色泛仙槎

文似韓

塵踪久不到山家
再度仙源愛物華
遠岫接天天接水
淡雲籠水水籠沙
五松夾道秦封樹
一石飛梁赤嶠霞
簫鼓畫船歸興晚
登臨絕勝斗邊槎

劉淑 青田

南明梵宇俯溪流
莽蕩空山四望收
合掌洞藏清溜溼
憑虛閣隱白雲浮
雙鳧飛共烟霞侶
五馬行來水石儔
日暮銜杯松露滴
滿川明月載歸舟

李鍵 縉雲

倚劔探奇少壯情
重來白髮集耆英
流空木葉崇臺迥

起霽晴烟極浦明話舊自堪酌酪酏憑虛何用問聲名
昔今祇共蘇門嘯飄拂天風引袂行

又

金

堊

浦江

五寸鑿徑是何年萬壑攢成紫翠天合掌洞深金殿廻
洗心池碧石梁眠酒行劇戲悲懽外情寄夕陽山水邊
宦海何須問禪筏振衣千仞卽飛仙

又

陸起元

四明

秋來全未戢驕陽結伴探幽到上方古洞暗通蒼嶺邃
危橋斜亘碧天長杯銜竹影唇侵綠坐拂苔痕骨沁涼
世事滿前渾嚼蠍此中高臥足羲皇

又

盧繼孝

郡人

南明石洞似天台歲歲中秋白社開金碧乍輝新法界
風雲常護舊經臺鶴隨老衲叅禪立龍幻真形聽偈來
身世百年原泡影松關趺坐且徘徊

又

葉

曾

邑人

浮生塵夢似雲驅來陟山亭萬慮無橋度石梁空裏翠
澗迴鳥道鏡中圖蕭疎晉竹諸君子羅列秦松五大夫
適適不勝豪上意只須此地倒千壺

又

劉廷璣

郡樓南望此蒼蒼今見人烟在下方上去幾層雲作路

生成一段石為梁，低頭古洞開門小。拂面青蘿挂樹長，
村酒一壺人兩個。懸虹巖畔老梅傍。

題南明山石梁

鄭懷魁

玉斧裁成何代仙，依然梁木屹山巔。摩空慣識風雲氣，
歷世從教歲月遷。華表鶴歸丹竈冷，金莖露下碧桃鮮。
憑誰喚取當年手，鞭向中流障百川。

題半雲亭

李以袞

五雲

半山半嶺入雲青，曲繞雲根又一亭。隱隱長空低北郭，
迢迢超曠聳南屏。瀑花洗雨依風挂，松籟敲鐘吹管熒。
回首下方憑眺久，洞明生世寄虛靈。

再過南明山寺

徐金位

常

麥隴秧畦曲徑通，翠微深處隱琳宮。石梁依舊晴虹影，

紺殿重新太守功。

郡守曹公重整殿宇及佛像

雨濕春雲千嶂靄，山

銜落照半城紅。欲攜謝朓驚人句，長嘯崇岡徹遠空。

高似孫

急嵐漲髮巖巖開，晴雪拋空灑灑來。上穴雙湫通雁宕，
高巖一派直天台。松含老壽多生珀，石錯蒼紋半蝕苔。
莫怪得來添健足，三生不枉住蓬萊。

南明山子山

郡守

任可容

南山秋氣正蕭疎，結客登臨退食餘。漫道逢時懷落帽，

翻憐度險欲迴車
樞衣覓徑披榛莽
搔首凌風問太虛
豪舉盡拚今日醉
寒烟萬井正愁予

又

許國忠

浮圖縹緲出雲端
環列千峰帶霧看
陟險漫從雙屐滑
登高還擬九霄難
授衣節到猶餘暑
落帽風來尚未寒
拂石也須留彩筆
風流五馬擅詞壇

少微山

劉基

少微山上太微宮
山下樓臺起半空
丹井石牀纏土脈
瓊窗翠戶出天風
傳聞仙子常時到
應是神霄有路通
會待九秋明月夜
高吹鐵笛看菁蔥

又

郡丞

夏宗堯

少微星朗少微山
處士聲華隱現間
絕島長留芝艸色
幽巖應有竹林環
天因高潔垂雲漢
人染塵囂慎躋攀
寄語高山流水處
聖朝飢渴屬賢關

三巖

朱葵

龍藏平分鷲嶺奇
曉烟夕月弄山姿
探元洞鑿維摩室
選勝波澄入德池
巖瀑亂空飛法雨
林花飄樹逗天機
空空色色俱成勝
何問燈傳第一枝

又

王一中

三巖洞口近城頭
夏日登臨興更幽
飛瀑懸厓晴亦雨

歲時風物志 卷之三
叢林蔽戶暑先秋
捫蘿屐印蒼苔滑
席地尊開綠蟻浮
怪道少微古石隱
出門便自有丹邱

李淳 內江

九日相邀洞壑遊
一簾珠瀑勝高邱
望中竹樹晴猶濕
石上琮琤聽轉幽
似坐巴山談夜雨
不知明月擁飛流
只憐黃菊尋常事
無奈風塵總易秋

李思敬 興化

數峰杳靄若爲扇
半是飛軒半是屏
澄淥和烟搖匹練
晴紅倒日入空亭
旋芻春釀孕新竈
滿插名花伴聚星
洞外雲連東海色
西風吹作故鄉聽

吳觀

山寺迢迢夕照迴
古藤灌木帶蒼苔
石堂晴灑桃花雨
山徑清分竹葉杯
千斛飛珠丹嶂外
一泓定水碧雲隈
采真不盡乘春興
留咏誰當太史才

何應乾

生平僻嗜在烟霞
况復靈巖春色賒
掬飲甘泉堪漱玉
遙看懸瀑散飛花
同人不減瀛洲侶
消渴旋烹北苑茶
歸踏夕陽情更適
獨饒詩興屬君家

金堃

昨夜登樓月滿灘
招提此日酒杯寬
崆峒氣合巖爲屋

混沌天開石作欄瀑布偶枯眉鹿草定泉時出繞松盤
客來分供胡麻飯洞口白雲千歲寒

任可容

枯嶺城西野寺荒白雲紅樹晚蒼蒼寒生絕壑無飛雨
光到青尊有夕陽撼岳燾過山鬼泣磨崖詩就石苔香
勝遊無分同杯酒知爾懷人正未央

胡廷賓

出郭探奇踏草萊三山巖岫自天開亭依絕壁凌風上
水瀉高原噴瀑來龍象何年宏梵宇松蘿無地點塵埃
黃花黃葉俱堪醉不羨同登戲馬臺

徐應亨

西峰繞澗路霏微秋染丹楓半夕暉巖屋迴看靈鷲下
水簾遙指斷虹飛林端宿雨猶沾席石隙斜光忽透衣
欲問遺墟空想像劇談千古竟忘歸

盧繼孝

新年勝地喜重臨桃尚含英傍石深洞口古苔醫鳥迹
岩頭飛瀑作龍吟傳觴六逸追千古行樂三春抵萬金
盡興醉歸山路遠猶餘夕照在松林

劉廷璣

走盡平原忽有山樹根蒼老石頭尖春來翠滿雲三洞

雨後珠垂水一簾空谷擊成聲歷歷丹泉流作影纖纖
有詩鐫破層層壁我亦來將姓字添

又

王繼祖

絕壁嵯峨最上臺天河半落此間來泉懸晴日飛瓊練
響噴珠簾倒玉醅醉倚石屏忘酷暑靜聆土鼓若轟雷
搜奇最喜城隈近拚飲斜陽載月回

又

辜景臯

誰挽銀何落九天奔流雲際水濺濺寶珠百斛飛空洒
瓊練千尋對座懸不雨一驚簷溜急非潮偏訝浪花鮮
飛湍恍若生江海佇有蛟龍捲霧烟

天王山

劉涇

金碧爲家定化城書牀南堰畧相迎人間蝶夢正深黑
天上木魚初發明半里好風招隱路一
枝枯竹助閒行
已慚懷紱無高致可更標門著姓名

小栢蒼山

郡守李淳

栢州故治俯城頭夏日相將避暑遊雙合溪流縈似帶
九盤山氣爽于秋懷人怯誦鶯花句覽勝疑登烟雨樓
惆悵遺踪無可問祇餘西寺磬聲幽

麗陽山除夕

陳大鵬

古剎風生笑語涼攜將柏子坐焚香每因節屆思逾遠

更覺山幽夜獨長
癡性未醒蕉鹿夢
問情宜就水雲鄉
不愁地僻花無主
明日春風到麗陽

東溪

祝利見

柳條新綠笋初芽
滿眼嵐光興倍賒
遊子盃銜殘月影
村姑頭插及時花
風吹婉轉鶯歌麗
雨打參差燕羽斜
極目水窮雲起處
幽林半是老僧家

洞溪十詠

唐刺史 李敬仲

潭翠標名直至今
洞門寒浸碧沉沉
一天星斗難藏掩
萬古魚龍識淺深
波起勁風疎噴雲
岸隈高樹密垂陰
凝虛澄象無盈溢
合是淡交君子心

翠潭

昔人卜築向深蘿
幽徑閒門客少過
寒覺片雲生棟宇
靜聞孤鶴下庭莎
竹窗早放茶烟膩
火焙春收藥氣多
一榻無聲夜生白
不妨欹枕擬高歌

青臺

壺中何必訪高奇
遶澗穿雲入翠微
曉曉深藏樵客徑
露香濃滴釣人衣
風迴片片隨流水
雨霽枝枝帶落暉
更有閒遊_并到處花
閒誰見隱仙歸

桂源

碧嶼琅玕盡古幽
孤烟輕翠瞰中流
風敲清籟向深夕
雨洗疎陰出素秋
新篔簹苔霞片墜淡
筠經雨粉痕收
當初好翫人何在
萬古蕭騷空送愁

竹嶼

憑枕磷堅又響清
寒樓長見有雲生
天回霜月雙飛處

誰愛絲桐向此世
翠根猶歛魄鶴翹孤影尚
不知亞尹千秋後更有何人續正聲

琴石

登荒涼古釣磯長潭映帶占清虛只因傲世能輕祿
未必投竿酷愛魚雨笠曉隈苔蘚合烟蓑秋倚碧蘿疎
若教呂望于今在不獨磻溪是勝居

釣磯

疎窗虛棟駕崢嶸天氣銷回萬象清深蘚靜攤隨步武
淺峰相亞入蒼楹寥寥鐘鼓殘秋迴黯黯燈光永夕明
此處誰知閒意度白頭禪客自經行

虛廊

漱淺浮深過幾年古今長見去潺湲秋陰瀉破天雲碎
清響環成溪石圓孤客維舟嫌聒夢高僧倚石任喧禪

蘭亭逸少來茲地堪與流觴會列仙

響湲

壁立凌空月渺茫峨眉曾見非尋常洞門高出寒稜正
水面橫鋪片影方野客手題文字澁岳僧身靠衲衣涼
雲磨雪洗花顏色不羨梁元古畫張

峭壁

卓異曾分造化勞神仙占得稱遊遨濃嵐盡鎖巉巖黑
碧落秋山突兀高雲母徑深穿頂滑翠岷稜健把根牢
白雲南面長流水閒見穆藤下渴猱

崎岩

追和洞溪十詠

湯顯祖

枯蒼蒼色正江南下有嬋娟百尺潭似與空明沉翠碧
應開倒影映晴嵐空餘洞壑生烟渺雨過虛源暮色含

獨歎侍臣青鬢晚春衣點染思何堪 翠潭

曾羨軒轅駕玉臺鬱葱佳氣與徘徊檐楹舊向垂蘿密

戶牖新從鑿翠開便學東華流霧靄何如少室倚莓苔

生香更借芝蘭色天影空青許看來 青室

恬蒼山裏一桃源似楚桃源較不喧春色也知浮澗曲

美人還似憶湘沅不知晉世今何得欲向天台未敢言

蕩漾東南好溪水折腰終此寄田園 桃源

也無孤嶼似江心祇是崔嵬寄碧潯箭竹迴臨星瀨晚

恬蒼分與麗城陰春如鼓吹山明翠秋是瀟湘水氣深

曾住縉雲古仙子此中長嘯鳳凰音 竹嶼

東溪一枕隱飛湍青碧琴牀木面安色映湘靈閒弄好

韻深方響欲浮難波間激玉清誰訴洞裏流泉冷白彈

日暮更爲金石奏迴風吹作水仙寒 琴石

一片清寒入好溪好溪真有釣魚磯應須咫尺通巖子

只是尋常在會稽簑笠雨飄垂柳岸釣絲春惹落花泥

無緣更值江潭客白鷺時飛到竹西 釣磯

小小逃虛向赤霞連廊千步亦無涯簷前細韻山寮竹

檻外長飄水碓花四注空濛雲下宿一方清冷月西斜

深歌響屐會誰到來去蕭蕭說暮鴉 虛廊

溪惡何須到永嘉高灘勢作雁行斜崖泉隱枕吹寒碧

山溜迴春吐紺花避暑烟雲流漱玉入秋風雨帶鳴沙
蕭疎盡日松濤起長似高齋聽煮茶

響瀨

層城大壑幾曾逢積翠搏空此路重挿地自應連海影
垂天真欲礙雲容晴籠薜荔朝烟澹溜折苔班晚氣濃
咫尺飛禽不來往何人面壁正東峰

峭壁

海上歸雲下石帆嵌空留此夜明巖幽生洞壑愁龍語
逕轉餘花覺鳥銜倒影暫能縈翠碧迴風長似入松杉
闌干留迹封苔遍道有天書在玉函

峭岩

石牛潭

金文

一別山莊忽十年歸來風景只依然入簾鏡木晚逾碧
隔岸琴山雨更妍詩句娛情工亦鍊酒盃留客醉猶傳
鄉鄰齊和昇平曲彷彿無懷與葛天

天寧萬壽寺

朱應鍾

北廓山迴麥隴斜碧蘿紅蔓記年華寒原樹映千峰色
古寺林開五月花游客未應忘色相老僧誰復具袈裟
絕憐大僕題詩處今日齋堂集暮鴉

法會寺

林富

山上禪門寂不關白雲野鳥共高閑誰知紫綬金章客
興在清泉白石間境爲通幽忙亦愛峰于最上倦猶攀
詩窮媿我當官在又促山輿向市寰

少小不記

卷之三

三

張寰

又
高峰深處扣禪關百轉籃輿意自閒
飛瀑長鳴幽澗裏蒼松半插白雲間
早春急辦登臨費遠嶠徐從杖履攀
宦况不隨多病減野情久已隘塵寰

廣福寺

李能

玉峽何年劈作三至今勝跡鎖烟嵐
鳥飛花雨落巖竇龍起風雷遶石潭
留供禪僧叅玉版聽經山鬼護琅函
晚來更覺多佳趣兩耳松聲酒半酣

瑞相寺

王希魯

霜落寒溪褪淺沙斷崖蒼蘚臥枯槎
但知有酒可留客何事無鄉苦憶家
短景路長人迹絕遙天風急鴈行斜
試憑金地舒愁眼看盡歸鴻入暮霞

妙成觀

何宗姚

畧掀篷起看山前不數王維畫
輞川簷外鳥啼臨水樹竹根人語下
溪船兔葵燕麥春新地茶屋碁窗物外天
每訪舊遊思舊事故人疑在石磯邊

又

謝天與

扶筇仙島訪槎前掀起吟篷看碧川
鳥宿林烟高下樹槽鳴溪雨往來船
欲尋樟洞疑無地應想桃源別有天
今夜月明回首處一聲孤鶴白雲邊

又

倚蓬獨立晚風前
滿目溪山錦半川
別墅雲遮春藥碓
中流人泛採蓮船
水濱臺榭疑無地
物外烟霞別有天
幾度遊來餘興在
夢魂還繞五湖邊

金忠

天然圖書亭

周野雲

雲鎖高亭十二闌
天將圖書寘丹寰
捲簾青露石根竹
開戶綠分溪上山
花落淡烟流水外
鳥啼芳樹夕陽間
仙翁或借天風便
明月瑤笙載鶴還

紫虛觀

周伯溫

少微山上紫虛宮
峭壁懸崖逼太空
處士衣冠聞昔日
仙人環珮挹高風
雲梯路窄青林合
丹井源深碧浪通
絕頂直疑香案近
蓬萊在望翠蘿葱

又

王壽

夏木涼生紫極宮
昔人于此悟真空
丹砂光轉鰲頭月
鐵笛聲飄鶴背風
門外溪流滄海近
天邊雲上赤城通
碧曠道士清無事
手引寒泉養鹿葱

譙樓落成登眺

李思敬

歷盡千峰頰一州
晨光夕靄四窗收
雲連海國甌鄉近
地接仙都王氣浮
官舍薜蘿銜野色
人家烟火抱溪流
含毫欲索登臨句
卻媿東陽八咏樓

合臺望蓮城喜賦

國朝知府

曹掄彬

黃平

山列屏峰郭繞溪
彈丸城市滿居黎
當年烽火頻經亂
今日流亾歸漸齊
治喜桑陰無吠犬
堵安民室有啼鷄
春來無事咨田畷
野外薰風趁雨犁

元勲祠

邵寶

一代元功百世豪
遺容瞻處麗陽高
天留湯沐田無稅
人擬明禋瀾有毛
莘野不妨初就築
草廬猶恨未誅曹
萬峰指點青田路
斷石枯楓望眼勞

濟川浮橋落成志喜

知府

曹掄彬

黃平

山城百雉接巖阿
溪險其如病涉何
久厭葦航勞挽渡

新成艇道動謳歌
灞陵踏雪鰲頭穩
涓艘聯雲惟翅多
兩載經營須衆力
諸君惠蹟應難磨
是役積費千金皆
文武同寅協力捐
助而成

不向天台傲石橋
木龍宛轉跨虹腰
江天鴈陣橫秋月
水塹鳧梁裊碧綃
緩步中流川已濟
無煩隔岸手頻招
還期折桂登雲路
紆紫拖青信不遙

重建濟川橋工竣為

太守述事

陳樵

吳人

一麾兩載駐山阿
安靜無為夾道歌
表率丰裁非不勉
撫綏涼薄敢求他
改溪作好懷前烈
病涉臨流喟奈何
小試濟川拯溺手
飛梁百仞截烟波

需材需用約千緡攻木攻金越兩年經始持籌同畫餅

落成曳履似登仙兒童乍識非時歷父老迴思訝歲纏

甲子週天將欲徧不啻重見彩虹懸

橋自甲寅壞後迄茲重建故云

和濟川橋落成志喜元韻

麗水令 王鈞

大溪蜿蜒隔山阿聚艇成梁費若何屐齒穩過江上路

橈頭漫鼓柁邊歌鋪連兩岸棲鳧遠劃破中流落鷁多

更藉經營籌善後青教風雨頓消磨

不減天成葛鏡橋千尋鐵鎖束江腰橫排雁尾過青澗

低堰虹身落絳綃湖外漁歸舟唱晚城頭更靜鼓聲招

千家四履歡寧謐穩步沙堤路未遙

又

松陽令 孫翼

晴川漾漾釋山阿欲濟渾如天塹何連軸頓教人利涉

成梁今聽樂典歌從茲鎖鑰通津秀無復滉洋問渡多

不日為功賢太守千秋帶礪永難磨

口碑羣號大夫橋寶帶橫波繫水腰夜靜龍鱗迎北郭

雨餘虹影挂長綃緋維已並康衢穩跋涉無煩舟子招

功溥枯甌垂不朽誕登從此任逍遙

又

青田令 萬里

羣山迴合起凌阿萬壑奔川勢若何詎有靈槎真可泛

邠堪苦葉又興歌殷憂入寐渾無極利濟如今孰與多

伐木不勞窮結構紀年豐碣並崖磨

鐵鎖新成百丈橋青龍帖帖臥溪腰光明徹底鋪純錦
五尺凌空界碧綃舟楫濟川知有屬鵲烏填漢不煩招
恩波汎濩從今始阿護長留世代遙

縉雲令

胡琇

又

一片冰心在卷阿營營功建擬參何跨溪勢若連雲棧
遍野歡同擊壤歌歷歷元功成物廣滔滔惠澤沛人多
高文刊布他山石應並甘棠永不磨

豈遜坡公建六橋迴如龍脊亘天腰路通沃野圍青嶂
影落澄波斷碧綃冠帶從多聯捷慶篷篙何用隔江招

萬安渡口思忠惠今古相同未覺遙

又

慶元令

徐義麟

栝蒼古郡界溪阿厲揭頻勞可奈何翰苑綰符丹陛諳
輿梁奏績吏民歌長虹穩臥波濤靜五馬平驅梁載多
治行于今推第一如川事業不消磨

造作方舟駕作橋鐵絙聯絡跨江腰一川平綠明如鏡
兩岸層巒色似綃風俗已傳襦袴誦湛恩不待口碑招
吟成白雪誠難和下里追隨引領遙

又

王良毅

清溪百丈遶山阿拍案常愁欲渡何濟物宏猷成隔歲

障川巨績矢來歌長虹宛轉城闈近遠水蒼茫野市多
不事與人矜小惠豐碑載德石新磨
編舟貫索儼成橋似帶排連東水腰訪雪未須攜短棹
乘風無用掛長綯四時攸濟常稱便萬經康莊不待招
步步恩波沾實踐頓增地厚與天遙

又

陳敬曾

飛駕長橋跨碧波萬民歡忭竟如何不須病涉桃花浪
無復悲聞瓠葉歌鐵絡千尋橫岸截蘭舫百個接雲多
懸知利濟恩流遠綠水泱泱並不磨

安得長虹架作橋而今引練過山腰聯舟似雁排雲

絡末如龍偃霧縉滌洎久嗤青史陋濠梁猥說漆園招
臨流一望民依切拯溺蒼生績豈遙

又

教諭 許惟權

爭傳惠政徧山阿驚看長虹不霽何鞭石漫勞成偉績
褰裳未病聽輿歌瀾迴砥柱于今永脚有陽春是處多
小試經綸覘巨手瑤篇敬勒共追磨

鐵鎖橫溪駕板橋銀河亘截東天腰巨鰲蜿蜒吞長壑
秋雁聯翩戲彩綃利溥斯民欣共濟程催過客似相招
迎波穩步知誰力五馬聲嘶衢路遙

又

訓導

王逢泰

虎符輝映栝山阿，目擊褰裳病涉何。暫展經綸興利濟，
旋聞億萬起謳歌。龍浮兩岸恩波沃，虹遶長空安步多。
卻羨謙冲彌自抑，功成不伐永難磨。
才華自昔著題橋，鳳苑銀魚久繫腰。五馬風流來紫極，
四郊歡忭動雲綃。濟川全仗神侯力，問渡何須石隱招。
自是福星隨處照，持衡青瑣信非遙。

又

教諭 陳世修

利濟今仍在，澗阿危溪履處坦。如何濟川初試作舟績，
平政長教鼓枻歌。自有恩波浮艇穩，別將道岸視人多。
橋成不伐南明石，留待銘功片片磨。

下上波浮宛轉橋，半依岸脊半城腰。橫江鐵鎖恬鯨浪，
巨水長虹曳彩綃。宵濟祇疑天漢近，湖洄豈藉錦帆招。
功高題柱名能卻，萬口如川去已遙。

又

林十洲 青田

恬養僻處萬山阿，水急灘危奈若何。砥柱中流堪作楫，
安瀾兩岸頓興歌。大川利濟功非淺，王道成梁惠實多。
從此登程雲路達，人人戴德允難磨。

九水長溪結一橋，造舟攣繫鎖江腰。行人莫問深和淺，
舉目如懸穀與綃。傳楫濟川能底績，鄭興和惠詎堪招。
鳧梁絡繹成菴月，萬古流傳澤自遙。

又

楊浚 麗水

優游何必賦卷阿 刺史橋成喜若何 百丈溪光雲作路 千程行旅樂典歌 水浮鳧雁空中落 烟鎖蛟龍分外多 試看金波秋潑灑 一輪明月鏡新磨

綠波亭畔駕虹橋 束斷長溪一段腰 玉帶影斜溶淡月 銀河露冷織輕綃 蒼生利濟無愁涉 舟子游閒不用招 作楫才堪徵鳳詔 梧州又恐戴天遙

又

周鴻煥

長河天塹繞城阿 欲渡難招舟子何 駕得浮梁橫鐵纜 通關孔道任行歌 往來無間風波遠 區畫攸深德澤多

自此民生忘病涉 百年偉績不能磨

行人何必羨題橋 鳩鵲聯雲水半腰 星月印江成霽色 鼉鼉遁跡獻鮫綃 前歌後答情皆懌 北往南來庸待招

王政有經先務急 九重寵眷自匪遙

又

仙巖寺僧 博濟 瑞安

蒼江碧水繞岩阿 路隔千邨奈若何 祗為政通平物憾 那知津渡動民歌 虹霓彩映中川靜 蜀錦紋生兩岸多 萬頃恩波流不盡 豈同劫石暗消磨

不向星河駕彩橋 偏于水國束龍腰 浪花日煖扶清影 人跡風寒襯碧綃 拜浪江豚遠遁跡 翔空雲鶴近相招

巍巍德望流千古水闊山高萬里遙

又

寶坊寺僧元璧 温州

長溪百轉隔山阿厲揭晨昏喚奈何列雁成行頓歛翅
行人互接乍高歌奔騰勢截驚濤少步履情舒孔道多
愛國愛民賢刺史流芳百世莫能磨

又

淨修寺僧恒心 龍泉

雁羽聯翩一字橋秋光深鎖半溪腰蒼山玉浪垂清影
甌海金波落絳綃濟世自能為普度摩肩何必類相招
慇懃為語褰裳客從此河干被澤遙

又

王隆夏 遂昌

濟川政績侔卷阿試媿雲衢勝幾何驅使神工扞頌畫
經行逆旅動謳歌駕空透棧通津捷履坦成虹散彩多
千古峴山風韻並聲靈彪炳不銷磨

天塹平鋪艦作橋跨虹飲枯渡溪腰鮫人水面開雲縠
龍女津頭織練綃波達甌江河潤濶路通閩嶠惠聲招
巍勲自有輔軒採莫慮楓宸眷顧遙

挽節婦林氏詩

明麗水令 樊良樞

茹蘖凌冰四十春六珈兩髻倍酸辛應知就榻全歸日
不愧支牀處孝人蒼樹垂藤封石室白雲芳艸護貞珉
振振屬目奇男子若箇中原有鳳麟

石門山 以下青田

方干

奔傾激石亦噴苔此水便隨元化來長片掛岩輕似練
遠聲雜洞咽于雷氣含松桂千枝潤勢蓋雲霞一道開
疑是銀河分派落兼聞碎滴濺天台

又

宋王十朋

鴈山飽見兩龍湫洗眼新觀石洞流欲向家山乘白鹿
先來仙隱訪青牛破荒喜誦劉郎句躋險思從謝客遊
天下林泉看未足願將身世早休休

又

鄭汝諧

每移征棹並雲根便覺幽懷謝世喧皓色飛來天際雪
紅塵不到水邊門破荒康樂名猶在紀勝元章字不存
但有好山容老子何須更訪武陵源

山靈又

高則誠 永嘉

艤舟懸磴入蒼扉滿地秋雲冷濕衣萬古石門扃不合
半空瀑布雪常飛猿收松子和烟落鶴伴琴童帶月歸
獨有謝公詩句好至今山色紀餘輝

又

張承仁

峰嵐中斷一門開江海分流到此迴瑤草何年生澗壑
烟霞終日護亭臺關門尚識青牛去人世難逢白鶴來
試借玉簫吹海月雙鳧應見老天台

當年誰鑿此門開放出仙人去未回騎鶴空聞吹鐵笛
乘鸞不見下瑤臺至今石壁千尋上猶有銀河一派來
只恐桃花流出洞劉郎錯認是天台

鄭毅

殷雲霄

石門曉日雲陰陰連岩密竹深復深自恨烏帽驚元鶴
誰瀉白虹下碧岑幽崖灌莽鳥相語寒潭風雨龍獨吟
山靈休笑未歸去汨沒塵埃非我心

夏浚

洞天天門何年開飛仙飛去還重來千丈噴壁飛作雨
一聲動地殷其雷銀河直向斗邊挂元鶴時從雲間迴
令洗塵心須此水道心原不惹塵埃

又

漁父
雪溪

黃鵠山人塵夢醒手攜竹杖遊太清千尋翠壁雨不歇
萬里青天雲倒橫山頭時見紫芝發洞口忽聞元鶴鳴
人間今夕復何夕坐我珠簾待月明

王士性
臨海

大壑懸厓起蟄龍石門橫斷海天蹤日高潭影空中落
雨過苔痕石上封峭壁重重開錦繡遠山片片插芙蓉
塵心洗向溪頭淨側耳西風聽梵鐘

又

蔡逢時

宛陵

石峽巉巖景最幽，
 摠衣鼓擢尾仙舟。
 一簾玉屑疑天落，
 四簇青螺覺地浮。
 雲壁烟嵐開畫軸，
 松聲鳥韻奏箏篎。
 披襟大快雄風後，
 濯足長江萬里流。
 誰跨長虬下九天，
 栖霞帶霧翠微間。
 千尋雪浪扞空壁，
 萬丈銀河瀉遠山。
 僧磬悠颺清晝永，
 漁歌欸乃白雲間。
 無人暮捲西山雨，
 留得珠簾奉笑顏。

又

唐冲宇

新陽

見說名山泉石幽，
 觀風經此暫停舟。
 千尋素練當空瀉，
 萬斛名珠帶雨浮。
 磨滅殘碑餘篆刻，
 潺湲遺響朗箏篎。
 與君今日登臨意，
 不減蓬萊清淺流。

白練從來盡日懸，
 雨花殘雪有無間。
 乍驚銀漢連青嶂，
 忽訝長虹亘碧山。
 水洞珠簾原不捲，
 石門簫鼓幾曾閑。
 洗心幸有同襟者，
 一聽泠泠共解顏。

又

蕭廩

寮國

長夏江行暑未清，
 暫依岩石駐雲旌。
 忽驚風與霏珠下，
 轉覺雷從峭壁鳴。
 千丈彩虹雲外駐，
 一天涼色坐中生。
 令人轉憶康王谷，
 歲晚青蓮擬結盟。

見說長空走白龍，
 竭從元鶴舞迴風。
 真源脈脉分銀漢，
 絕壁層層挂玉虹。
 開鑿幾煩真宰力，
 亂流擬作野田傭。

何人直赴朝宗約遂擅滄溟浴日功

田唯嘉 恒山

水綠山青淡澹烟洞崖深處見懸泉誰家匹練空中挂
疑是孤桐月下絃雪浪盤旋鳴礫底飛花迸舞落筵前
瑤池晏罷歌鐘細一派清音到畫船

又

郡守 任可容

嶂合川迴景最幽名賢曾此繫仙舟金樽偏對青山好
珠瀑遙連紫氣浮共醉蒼烟生几席賡歌白雪奏箜篌
將傾一掬銀河水化作甘霖萬里流

飛流日夜自潺湲矯首層霄杳靄間問俗霜旌搖瘴海
探竒蠟屐到名山澄潭月印心如洗古洞雲封意自閒
乘興磨崖留勝蹟烟霞千古伴朱顏

李本淳

石門千嶂鎖崆峒髣髴桃花一水通忽自碧空垂疋練
可憐春雪舞回風君曾題處苔痕綠我共遊時木葉紅
此去若承明主問莫言吟眺有餘功

許國忠

石壁松門傍水開相攜仙侶坐徘徊忽驚危壑陰雷起
謾詫晴空暗雨來西引蒼雲連枯嶼東浮紫氣接甌臺
與君共醉山中酒永夜何妨玉漏催

石門松舍自清幽直指巡方一繫舟川谷解邀驄節駐
水雲欲傍繡衣浮岩頭飛瀑疑烟雨葉底鳴蟬雜管篴
此日登臨傳彩筆宅年誰不羨風流
匹練高從絕壁懸隨風散沫有無間泠泠清響傳空谷
靄靄輕烟淡遠山豈是避喧尋吏隱偶因問俗一投閒
羨君同坐蓬壺上共挽飛泉洗醉顏

郡守朱空葵

又

王一中

誰把元關手劈開石門高啓括蒼隈前臨江海魚龍躍
後枕岡巒虎豹回天挺剛峰看壁立人從複道拂雲萊
蒼生多少爲霖望飛瀑還將濟九垓

陸起元

浣紗溪水綠痕殘石洞中分劈翠巒清晝不聞元鶴唳
古枝猶作老虬蟠丹崖薄霧蒸靈藥天壁寒泉瀉雪湍
蠟屐風流千古事軒轅邱上縱盤桓

蔣一鰲 邑人

非色非空認轉差化機隱躍妙無涯忽于散處成圓聚

道是濃時又淡些一帶輕烟籠瑞雪半拖軟練曳飛花
靈源此去知非遠欲趁秋風一泛槎

胡廷賓 郡人

清秋鼓棹涉溪行夾岸芙蓉照眼明乍入幽岩開曲徑
忽聽飛瀑響寒聲孤亭落月潛狐兔廢寺豐碑籠棘荆
爲問謝公遊屐後至今誰復嗣高名

周清原 武進

迢遙匹練下晴空知有仙源委曲通四面林巒常帶雨
九天珠玉遠隨風何年巨手開青嶂盡日澄潭飲白虹
忽憶瀛臺深曲處飛濤噴薄五雲中

劉廷璣 蓬溪

霹靂聲等在此間一篙撐入兩重山也知是水偏多幻
雖號爲門卻不關李太白題詩調古米元章寫墨痕斑
未曾謝客堂成日早有仙人煉大還

鮑 棧 餘杭

寒光一道薄明霞空際雙門闢水涯謝客昨來誰是主
練衣今去未還家從開山後惟聽雨縱過春前只散花
鯨海纖鱗疑未久傾濤端不爲浮槎

陳獻御 天台

石障層巒烟樹空澄潭百尺碧流通絲抽水蘆渾驚練

卷之二 藝文詩言律

花散珠簾不借風躡屐高吟飛白雪銜盃夕照倚長虹
瀛州道是神仙窟此日瀛州片壑中

梁天眷 麗水

千尋削壁溜清泉滴破寒潭不記年銀漢倒傾天欲瀉
玉龍斜噴雨如烟隨風濕透青苔冷映日光搖素練懸
為問水源何處是舉頭疑落白雲邊

袁鳴泰

鷓首芝溪曙色開勝遊人羨侶蓬萊石門瑤草疑烟長
洞口桃花帶雨栽間對飛泉疑瀑玉時聞急籟若驚雷
白雲匝地回春谷遙望龍光接上台

方亨咸 桐城

搔首捫參欲問天空濛不散古今烟吳門練影千尋立
台壑珠光萬斛濺獨往尚餘康樂恨臥遊閒卻剡溪船
振衣從此濯清冷渺渺企予不羨仙

王毓恂 北直

石門深處挂飛泉不厭躋攀陟極巔百練倒懸千丈雪
銀河直瀉九重天聲聲法雨催岩急粒粒明珠滴水圓
憑御冷然忘俗慮恍疑身在此中仙

吳志章 桐鄉

為訪名山煮石泉遙看匹練挂岩巔鑿開混沌疑無地

行到空門別有天竹葉翻風戛玉碎蕉花浥露垂珠圓
溯遊萬古銀河處賡續當年李謫仙

又

洪明彥 邑人

兩壁巍巍排石門也無封鎖也無垣一泓綠水供鷗浴
萬疊蒼崖任鹿奔澄空白練岩頭挂峴皖黃鸝樹上喧
覽勝名山興未盡攜尊乘屐躡軒轅

又

王孕杲 邑人

靈谷誰開石作門此中別有一仙源岩前飛瀑從天下
洞口流泉向海奔謝客破荒名尚在謫仙紀勝蹟猶存
衣來靜眺蒼崖裏相對無言好避喧

又

王明汲

亂藤深樹野雲幽鳴瀑山頭爽氣浮似帶輕烟凝暮靄
更飛涼雨入高秋月明練影當空落風細濤聲逐澗流
寄語探奇詩酒客芝田江上有龍湫

石門洞

劉璟 邑人

天山水最清奇架壑連岩結構危石徑雲深荒蔓艸
野林霜曉熟棠梨入山卻下聽猿淚看瀑長吟招鶴詩
夜宿羣峰高絕處俯看星宿列珠璣

閣公方山

王均 邑人

凌雲古刹與天齊乘輿登臨萬壑低竹杖遠尋芳草地

芒鞋遍踏落花泥
山僧款客臨流坐
野鳥驚人隔塢啼
回首欲歸山色晚
一聲樵唱夕陽西

芝田驛

任良翰

不將疎散博浮名
半載芝田江上行
自信東風吹鶴首
還從南斗望槎星
海門潮急江初漲
峰嶺雲深瀑作聲
暗惜年華秋大半
幾回掀髮問長纓

廣明堂

陳中州

齒落頭荒老態并
何如浪蕩此浮萍
青雲小院迎蘭佩
別圃深泥憶菜羹
看破風旗曾小憩
讀殘花譜只多情
夜來灑盡龍精墨
著不成書到四更

登雲山高雲奔騰
我來與雲相憑凌
飯移齋鉢鳴雙雀
花發禪牀臥一僧
舉火有時分午篆
脫冠何意挂秋藤
本來面目無生滅
佛在諸天第幾層

遶樹長歌歌自長
昔人孤氣拂扶桑
青松出脂夜代蠟
黃菊作花秋滿牀
有命此生空碌碌
無君何事便皇皇
深林只枕牛衣臥
一卷心經日未央

仙人磴

蘇守簡

峻嶒百尺倚仙壇
仙子何年俯碧灣
苔蘚已埋燒藥竈
竹林猶長釣魚竿
九霄路隔丹書杳
三月溪深碧浪寒
鳴鶴至今清韻在
更無人倚玉闌干

錦屏山

殷雲霄

錦屏山前江水流江風蕭索旅魂愁登高况復悲戎馬
抱病猶堪理釣舟白雪調高聊縱酒黃花英落不勝秋
縣齋只恐傷幽獨危嶂斜暉坐未休

天巖

邑令 楊文驄

一卷玉立峙東郊載酒憑闌對素交霞度好溪棲木末
春從鶯嶺染花梢僧寮但拾松為飯古殿惟依石作巢
塔影中流霄漢近澄淵應見起潛蛟

混元峰

徐上成 邑人

誰將巨石峙時龍捉幻蹟端疑擅化工閱去春秋忘甲子
分來儀像見鴻濛書崖斷字全侵荔挂壁疎藤半結蟲
極踞危巔雙眼豁振衣萬里起長風

塔山

鄭奎光

亭然卓筆若陵空萃應靈文自不同高出玉人分造化
峻仍瑤闕似飛雄渾茫灝氣孤標徹泛影澄潭砥柱功
千載炫奇誰得似雲韶聲簇塢花叢

九盤山

以下縉雲

趙 曾

飛閣依崖起半空長溪東下水如龍雲梯壁立猿迎客
仙丈霄臨鶴舞松上界鼓鐘敲碧落下方車馬隔丹峰
憑高一望塵襟豁身世生天第幾重

又

趙儀

高閣凭臨萬眺空
津橋橫偃下雲龍
落霞掩映回幽壑
老鶴清閑倚古松
千疊樓臺餘浩劫
數聲鐘磬度羣峰
溪流噴薄紛灘瀨
恍接潮音第一重

仙榜巖

李鍵

絕壁干雲小徑斜
一溪春樹半烟霞
杖頭欲醉醍醐酒
洞口初繁桃李花
懸閣空中疑島宇
飄舟塵外即星槎
倘容姓字標仙籍
隻鶴長空徧岱華

又

鄭士弘

天半危崖結小樓
一灘梳水玉澄流
列仙有榜銀光曙
寰雨如珠石乳秋
呼吸關門通紫氣
迴環巖竇註丹邱
到來恰與吾生契
不借真人太乙丹

仙都山人

王十朋

皇都歸客入仙都
厭看西湖看鼎湖
洞接龍泓片雲遠
山分雁宕一峰孤
香清天上碧花落
音好林間青鳥呼
天遣林泉慰吾輩
不容身世老蓬壺

又

李棠

偶因清賞到仙家
羽客相迎坐煮茶
古洞雲藏丹藥竈
清籟風度碧蓮花
鼎湖元鶴聞春晝
軒后旌幢隔綵霞
何日披衣來此地
養生亦學飯胡麻

玉柱峰頭近太華孤高遙映赤松家空山飛翠鐘聲暗
流水浮雲鶴影斜古殿久通青鳥使中天時泛碧蓮花
地靈真與塵凡異欲覓仙人醉九霞

周南

樊獻科

曲徑松陰十里迴草堂半倚碧仙隈溪邊野竹春爭發
石畔幽花晚更開臨壑夜懸峰頂月披雲時泛洞中杯
斷橋流水非人境疑是桃源歸去來

丁一申

名山應稱列仙居曾是軒皇脫屣餘柱頂有湖留玉液
巖阿無路接金輿瑤壇欲長新芝草丹洞猶有古篆書
空負靈踪華表語未能招鶴此躊躇

朱葵

世間無物無尤物埏埴扶輿倍可憐截業撐空一柱立
嶙峋拔地五雲聯丹成仙法傳軒后花發香生有碧蓮
日月兩丸閒自在不妨流水自潺潺

鄭汝璧

野色溪橋午自分元都空翠轉氤氳春殘半落桃花水
日暖全蒸玉竇雲鶴駕杳從天外度洞簫清向谷中聞
重來阮客心如洗遲日相將麋鹿羣

又

鄭思齊

獨石參天萬壑低石擎湖水更為奇松樓白鶴疑堆雪
風落紅葉窳墮脂乍尋武夷巔易陟峻嶒太岳險堪梯
幾回過石穴翹首安得雙鳧駕玉螭

又

明邑令 雷叔聞

小院黃花秋色明豆叢瓜架晚涼生雲蒸海岸千峰濕
潮湧溪城萬甲鳴肺熱欲餐蓮鼎雪身閒偏愛石田耕
玉泥金簡無消息倚檻長歌太古情

又

吳鼎

藥碓仙人去不還雲英谷口艸痕斑千千鑄鼎猶堪煉

九九騰鱗未許攀謝客春秋繼一展穩倪翁老大一身閒
相攜杖底奚囊滿得句應知失好山

又

李鍵

修真選勝古明都梵宇藏崖逼鼎湖瑤室素書千古秘
鳳簫明月一峰孤客來獨問荒碑在仙去曾留大藥無
乘輿步虛如有得白雲團蓋濕雙鳧

又

李永明

攬勝春溪淡淡浮停舫躡磴荆蘿幽竒穿渡口渾迷路
巧駕山腰幻結樓怪石盤迴驚獸舞層雲飛瀑洒龍湫
采芝久已鏤仙籍滿峽閒雲護未收

又
谷口青山隔世緣
桃花流水共娟娟
前峰徑轉尋春路
近壑烟迷種秫田
選勝不妨迴蠟屐
探奇休問避秦年
清芬苒苒淪天末
恍接仙人鼎上蓮

樊汝霖

又

劉廷璣

菊窰凌風下
枯蒼枯蒼深處白
雲鄉但看山水真
幽異
一說神仙瘦
渺茫鶴老不知人
歲月松高會歷代
興亡
古今多少來遊者
石上模糊字幾行

步虛山

李棠

雲窟盤根幾歲華
斧柯誰信敢相加
塵寰無復晴天雨
俗道非將犯斗槎
荒院月明猿有淚
古壇雲靜鶴無家
青牛一去無消息
洞裏仙人濕紫霞

金龍洞

樊玘

古洞翳樹晝亦暝
懸崖背日風常顛
抽身斜從石徑入
振衣直上山之巔
遂有白雲浮足下
似聞玉笛弄尊前
脫巾漫倚危臺坐
不數蓬萊第一天

小赤壁

李鍵

汗漫濠梁喜過從
年來幾探鼎湖峰
諸天削列芙蓉出
絕壁晴開薜荔封
鏡水傳梧如蕩月
薰風送棹若游龍
移尊浪占磯頭醉
苒苒溪山夕翠重

鏡巖

唐皮日休

八十餘年住鏡巖，鹿皮巾下雪髟髟。
牀寒不禁雲縈枕，經潤何妨乳滴函。
飲澗猿迴窺絕洞，緣梯人倦倚危杉。
如何計吏窮于鳥，欲望仙都舉一帆。

初暘谷

鄭文茂

洞口移舟獨上樓，更從何處覓瀛洲。
崆峒日透千山曉，絕壑風迴萬籟秋。
閒對修筠皆我侶，試看題碣盡名流。
因思塵世同爲客，且喜韶光信白頭。

又

李鍵

日出東隅倚石樓，寒烟細樹滿芳洲。
鼎湖峙浴丹霞曉，

溪墀平分碧落秋。獨鶴徘徊清梵至，
諸天洞達宿雲流。

山中歲月凭高迴，正喜登臨半黑頭。

鄭文茂

又

湯顯祖

臨川

西望雲霞近，枯蒼層巒洞壑拱。
朝陽天衣炫碧，搖晴色丹竈。
流珠飲日光上界，鷄鳴連赤海中峰。
樹影帶扶桑，軒皇正作遊華夢。
起視咸池鬣未霜。

李鍵

又

李鍵

城市歸來憇此山，移尊寂歷幾開顏。
雙峰曉色連雲度，列島仙人化石還。
洞口桃花春自在，溪頭鷗鳥意俱閒。
葛洪丹井何須問，今古浮沉一嘯間。

高田

任良翰

萬丈層崖下九盤半空飛瀑散林巒迴峰有霧時成雨
古洞無風日自寒花雜石臺還寂寞鳥啼雲竇亦間關
行人莫嘆多崎險空碧如乘五綵鸞

白雲洞

李鍵

飄然出洞定何年帶鶴歸來世有傳古樹成林春演法
高臺禮斗梵聞天真鴻影度仙山外細草香生化石前
咫尺霄垣如可炙清飈擬挾白雲巔

又

鄭文茂

欲超三界俯塵寰誰道仙踪不可攀
一自白雲隨鶴去
獨留空洞至今聞曇花樓外松千樹玉液臺前月萬山
對此已堪忘俗累金丹擬得駐韶顏

桃花隘

沈辰垣

嘉興

連岡不斷勢隆從烟靄濛濛極望中
蘭葉迎風香不斷
桃花著雨樹全紅崩崖水落疑仙掌怪石凌虛似鬼工
試向深林還借問武陵恐有舊漁翁

西巖

項始震

麻城

空閣緣崖近碧空公餘登眺喜春融
窗搖翠樹千峰霽
林飈啼鶯兩岸風僧梵遠飄嵐氣外漁歌時出水聲中
琴尊仍有豪吟興喜見桃花滿處紅

贈周景復居鏡巖

唐陸龜蒙

見說身輕鶴不如，石房無侶共雲居。
清晨自削雲香梯，獨夜空吟碧落書。
十洞飛精應徧吸，一莖秋髮未曾梳。
知君便入元珠會，早晚來騎白鯉魚。

支隱山詩

鄭汝璧

萬樹春光擁翠臺，清罇閒傍薜蘿開。
高歌忽與浮雲會，半醉旋呼片月來。
林僻總堪中散侶，賦成終愧大夫才。
前溪遙送金波色，為駐清暉倍綠醅。

仙巖寺

陳汝錫

通幽一徑入松關，縹緲仙遊尚可攀。
洞在白雲青嶂末，人行紅雨亂花間。
安排蠟屐登高去，準擬詩囊得句還。
更有苦吟陶靖節，不容風月片時閑。

梵巖寺

鄭世裕

一水縈紆十里山，梵王宮闕翠微間。
樓臺隱隱紅塵遠，鐘磬沉沉白晝閑。
雲護鉢池龍未醒，烟消茶竈鶴初還。
老僧厭客頻遊賞，花外重門帶雨關。

荆山寺

樊甫

纔過橫山又一山，春時攜伴扣禪關。
十年遊宦非為樂，半日尋僧又是閑。
石鉢雲生龍出躍，松林月上鶴飛還。
相逢不說無生話，卻笑蕭蕭兩鬢班。

崇道寺

應覺翁

登山無分嘆塵容，可是詩情勝酒濃。
佛祖宮墻多百雉，仙人劍氣在雙龍。
幽期自與烟霞會，浮世不知江海重。
忍欲穿雲參棒喝，便應洗耳聽搥鐘。

永寧寺

吳璟

雲影天光半野塘，萬松祠下借禪牀。
且便花縣公餘樂，翻笑山僧客到忙。
無酒盡人今日興，有詩還我舊情狂。
江湖廊廟心千里，又促肩輿對夕陽。

又

丁慈

淑氣霏霏蔭草堂，松陰片片上黎牀。
叅元獨愛僧談久，覽勝何妨草屨忙。
醉憇竹間修禊典，詠歸花外舞雩狂。
春風偶與從遊樂，悵望千秋起伯陽。

觀音閣

李寅

暖風晴日滿岩阿，紫翠堆中聖女蘿。
出郭已知塵事少，看山添得好懷多。
無窮世變雲流影，莫識天機鳥爲歌。
樽酒如船拚一醉，萍蹤身世任浮波。

東溪

鄭筦卿

邑人

剡棹裴徊作勝遊，渚烟沙草夾行舟。
天垂星斗寒相逼，水落魚龍夜自秋。
圖畫星羅浮屋市，桑麻路轉半溪鷗。
卻嗔俗子妬仙跡，逸少空餘篆墨流。

石龜山以下松陽

周煥

一山當戶正如龜偏與林居靜者宜隱德不慚唐李愿
高名何假宋楊時松間路接藏春塢花底泉分洗硯池
安得相從叅大易先天一畫問庖羲

石佛嶺

范光曦補上

始信如來自有真蒲團高坐碧嶙峋天迴法雨千巖淨
山進香花萬象春豈是點頭初現相緣知松化卽前身
鉢中莫道無甘露月湧溪流不染塵

獨山寨

邑簿 艾丑

萬壽宮前百頃陂紫虹橫截碧琉璃孤峰蟾倚仙人閣
古廟龍遊聖母池嵐氣吐吞新雨後烟光濃淡夕陽時
公餘到此觀魚樂醉拍闌干浪賦詩

大明山

徐夢易邑人

谷口春深一徑斜清溪風暖泛桃花奇扳蘿石噓雲紗
高陟峰巒望日華始信逢萌終避世卻憐方朔尚無家
翦茅擬結飛巢地爲問青天借絳紗

又

王慎中晉江

峯峰削出玉芙蓉山到留明自不同獨挂一瓢依片石
欲令萬乘挹高風變移草木供靈藥剗厠岩扃運鬼工
他日道經行世上無名河上獨稱公

又

鶴轡飄蕭海上歸，留明何幸得瞻依。
青蓮花照琅玕樹，赤電光生薜荔衣。
萬劫飛灰今亦古，百年春夢是猶非。
聞君說到無生處，回首深慚舊業違。

黃中 遂昌

又

薜蘿香散曙烟青，覺岸波搖石壁經。
厨蕨未諳山客性，野花時發火仙靈。
緣崖採藥雲生屐，披衲焚香月在庭。
一局未終陵谷變，爛柯猶自愧浮生。

劉淮 邑人

西山

劉回翁 邑人

崔嵬山色倚空青，人去門閒晝亦扃。
雲度綠溪春嶂合，露滋芳樹曉烟冥。
雨餘芝艸留仙夢，香散松花老茯苓。
自愧往來塵世隔，浮生無路問黃庭。

石印山八景

練魯

春湖綠漲金堤平，木蘭花結蘼蕪生。
三山夜白日車動，九霞影落龍淵明。
鷓鴣屬玉住來近，伯勞飛燕東西鳴。
明朝南浦送春別，落花烟雨天無情。

湖堤春曉

琪林列樹如瑤池，千尋萬仞玉作圍。
瓊妃朝罷植圭壁，青女夜降封珠璣。
白雲影散六龍近，黃竹歌殘八駿歸。
崑崙縹緲五城現，中天玉氣流光輝。

郭林晴雪

羲和西畧崦嵫東，白霓流旌五彩虹。
金光倒射龍伯國，

絳氣飛落馮夷宮太虛變化白日晚明夷垂翼青雲中

安期約我渡瀛海寄書先報東飛鴻 西溪夕照

東溟海底銀蟾蜍夜深走入白玉壺金精倒影浸空碧

露花滴水流方湖仙人鑄就水心鏡驪龍吐出淵中珠

青天下繞紫貝闕明星降集環清都 蟾湖夜月

青松無數皆凡材孤根蟠蟠生九垓太虛雲影礙日月

九秋天籟為風雷上侔扶桑近暘谷下視新甫與徂徠

空山獨立望寥廓惟有仙鶴空中來 後嶺孤松

溪流噴噴嚙蒼山阿行人不渡飛雲過蘭舟倚棹在春水

柳根繫纜生綠莎深山大澤入雲霧疾風白浪吟蛟鼉

吾將擊楫遂長往飄飄萬里凌江河 野渡橫舟

三峰列架相森昂一峰立筆巉窮蒼紫烟滴翠吐華彩

銀河蘸水生毫芒星辰上直少微次金碧夜照文奎光

安得高揮五雲篆願補雲漢回天章 筆峰晚翠

清泉百折波湯湯築以白石如金梁恍惚龍文現碧落

逶迤閣道過銀潢芙蓉樹影秋波冷葡萄水綠青雲香

碧池流出誰家苑蓮花片片雙鴛鴦 石橋流水

南巖 楊公谷

十里好山離城市東風正馬遠相尋及時田畝水皆滿

布野桑麻春正深村店桃花紅著酒板橋流水綠成陰

斜陽芳艸不歸去醉取霜毫留短吟

十里又

王詒

清罇久隔峨嵋寺蓮社盟疎勝日尋小院深松高鳥弄
危亭曲徑落花深遠公何處嘯明月陶令看雲對夕陰
童冠歌游興不淺天風萬壑送長吟

又

詹雨

爲訪峨嵋到此方青蓮萬仞拂穹蒼天空四面星河近
風暖滿山蘭蕙香抱膝亭中雲自去妙高閣上鳥爭翔
我來不是逃禪客最喜新詩引興長

又

周雷

地湧峨嵋枕碧流梵王宮闕駕螭頭風飄石洞香烟轉
日照玻璃曙氣浮花塢苔封碁局冷昆岩塵合性靈收
世緣一見殊驚眼便覺身隨天際遊

又

毛文崇

甬谷當年紫氣來登臨還上遠公臺瑤宮祗樹諸天合
玉井紅蓮六月開風靜吳亭生晚籟月明松谷坐寒灰
猶分勝地須彌遠剩把峨嵋入剪裁

又

劉共准

路轉天南日未曛遙看空翠起氤氳亭中把酒花含笑
松下行吟鹿作羣分野地當甌越斷碑苔合勝漢唐文

偶來便有皈依念，怪得山僧懶似雲。

道觀山

練

路別桃源學仙侶，石中桃核見花開。
月明或共山靈語，客至無嫌野鶴猜。
金節龍輿隨帝現，玉章雲篆自天來。
重遊約至浮邱頂，瀛海秋濤絕點埃。

函谷

王

乘春試問神仙宅，風磴縈紆石洞開。
松下芝英如有待，林間鶴夢不須猜。
玉桃定自瑤池作，函谷遙瞻紫氣來。
更有丹砂生羽翰，未應短髮老塵埃。

白雲山

詹

翠微隱隱徑迢迢，丈室春深趣更饒。
滿院松花金席地，半山雲帶玉橫腰。
竺天飛出西湖寺，秦石驅來東海橋。
何處天風送靈籟，不堪清耳聽簫韶。

雲巖

周

十里蒼松撼翠濤，偶逢夜鶴度東臯。
丹崖春暖生瑤草，石洞花開到碧桃。
千古山川稱壯麗，一時冠蓋總英豪。
幽尋不盡烟霞興，回首蓬萊月色高。

西屏山

魏

雨過西屏翠欲流，天開圖畫小溪頭。
禪心未悟三生夢，塵世空懷萬劫愁。
松影拂雲金殿古，竹陰披貝碧窗秋。

公餘喜愜清幽起細嚼新詩紀勝遊

龍鱗山下虎溪流蕭寺青山練水頭海藏雲籠空色界

石臺月照古今愁鷄聲日影金屏曉雪霽天橫玉帳秋

蓮社不妨陶令醉鶯花還逐謝公遊

又 許國忠

層臺千尺欲凌霄秋日登臨興轉饒城郭暝烟窗外盡

峰嵐夕照望中嬌松陽花似河陽好宓子琴看周子調

勝會滿拚今日醉西屏山月不須邀

又 張景留 平原

微秋色落斜暉烟淨林空鳥倦飛新構層臺俗未佳

劇傾濁酒客遲歸七年製錦才愈拙萬井哀鴻志屢違

睥睨凌霄共舒嘯松梢露滴碧荷衣

又 包蒙亭 遂昌

樓臺高聳倚岩堯握手登臨興倍饒眼裏河山空寂寂

望中雲樹自蕭蕭龍鱗綴石疑松化鳥跡傳書帶蘚描

貝葉暗隨鐘磬寂歸吟杳杳欲凌霄

又 王應蘭 新安

龍鱗片片塢雲閒偃月波翻圖畫間花暗小橋通曲徑

屏開孤寺出南山鶻聲忽過春晴去松影頻移夕照還

又 松

卷之二 藝文詩書律

知是扶筇誰有意吟風米石可相攀
延慶寺
朱林

祇恐雲霄有路通層層登處接星宮
洗花寒滴翠簷雨
驚夢夜搖金鐸風僧老不離青嶂裏龍吟多在白雲中
相逢盡說從天降七寶林誇是鬼工

大慈寺

古寺僧寒業半荒水光山色自蒼蒼
乾坤有恨今猶古
歲月無情海更桑風竹影搖松頂日雪梅香傲菊餘霜
何如超出風塵表百仞峰頭眺八方

淨巖寺

雨

蓮佛由來別有場山風二月送清涼
松陰貼地滿庭翠
花氣熏人百和香醉動詩豪添酒力閑因僧話逗春長
典衣且盡風光好一任明朝天雨暘

景福觀

傾搗元霜餌紫霞試尋方外道人家
神仙窟在三千界
龍虎丹成九轉砂春色滿懷金谷酒清風兩腋玉川茶
醉來笑問東方朔曾見蟠桃幾度花

石笋山

何人醉臥木蘭船楊柳風高浪欲顛
溪土棹回無賀老
江東鶴化有坡仙烟銷碧寺山橫野露落蒼梧月滿天

誰謂勝遊非昔日太平原是舊山川

卯山

陳回晟贊

一峰高出碧雲端真逸仙遊竟不還埋劍成龍去天上
斷松化石落人間開元遺事空聽說北海雄文且自看
坐久長風起林杪似聞仙珮響珊珊
又
山下鳥啼花欲然山中芝熟徧瑤田
咨丹井滿龍通海
點易亭空鶴上天石室夜明燒藥火雲軒曉煖煮茶烟
背君最怪蒼松老百折霜根不記年

又

包士登

山中紫氣護仙家門對青溪石徑斜
小有洞深藏日月大羅星近結烟霞
鈎一看瀑鳧飛鳥掃榻留雲鹿駐車
我憶元關將進酒羽杯流水泛胡麻

又

張景留

平原

卯山蒼紫萬峰幽衰柳寒連溪水流
點易亭更丹贖跡浮黎宮邈草殘秋
冲飛道士歸何處竊祿微官尚逗留
待學遄飛王子晉吹笙鶴背碧空遊

裕溪

邑訓

邱雲霄

日抱溪雲午不驕蘆花飛雪暗溪橋
數家烟火自村落隨處山林遠市朝
習靜孤高馴野鳥忘機分席對山樵

卻因話入桑麻樂慚愧浮名鬢髮蕭

君子山

以下遂昌

包蒙亨

邑人

春暖扶輿日日晴柳條送色到山城雲開嶂列朝陽鳳
風轉簧流出谷鶯東井熒熒稱德聚訟庭隱隱有琴鳴
平昌自此多佳話內外門屏盡友生

妙高山

屠良隆

四明

妙高峰頂絕人羣策足峇嶷磴路分萬樹秋林風落果
一溪晚碓木春雲松關寂寞修行乞石鼎氤氳香自焚
手拾罇鴟煨宿火一壺攜得醉斜曛

又

包蒙吉

邑人

高峰截業倚雲霄寶刹平開氣象豪浙瀝風濤飛野馬
逍遙窟穴冠山鰲天花欲墜禪心冷貝葉頻翻梵語高
遠望城烟聯不斷丹霞紫霧滿神臬

不

過朱應鍾墓

黃

江關詞賦舊凌雲何似深山早築墳天上豈真無李賀
人今猶自說劉蕡西風歸鶴空留恨落日啼猿不可聞
三十年前交誼在獨來披草薦溪蘋

報願寺

宋狀元

沈

本

古寺蕭蕭六月秋綸巾羽扇對滄洲四圍樹帶祗園色
一道泉分石竇流堂上客星明似斗山中雲氣白于鷗

何時整頓乾坤了有酒如澠寫我憂
山中雲氣白
古寺廣仁院
翁翁錯

祇道山窮路亦窮青山斷處路還通
源泉出水潭潭碧
野果經霜樹樹紅乞食不嫌僧舍遠
尋函更美僕夫同
明朝籃筓歸城市歷歷峰巒在夢中
鄭真還

不遂平生十載前曾攜萬卷向東泉
雲林日靜開茅塞
禪榻時閑議草元轉眼風光成夢寐
委形身世累塵緣
依然事業今如許愧我星霜欲滿顛
朱應鍾

薜蘿芳樹繞紅泉蘭若孤峰出半天
法座爐烟生紫氣
春池香雨發青蓮雲蟠夜鉢龍猶臥
經罷花壇鹿自眠
今日書生來聽法多慚世故未投禪

翠峰院

尹廷高

乘風長嘯翠峰頭喚醒當年老貫休
境界高寒多得月
松筠瀟灑密藏秋蜀尼曾禮空中刹
吳越難添句裏州
劫外有家人不識白雲千古竟悠悠

感恩堂

王養端

牛峰抱壽元宮紫極宏開綠樹中
脫屣難尋章道士
揮毫猶說宋徽宗丹爐火伏龍初臥
碧海書遲鶴未逢

欲拂風塵了蹤跡負苓煮石待黃公

妙高院

鄭還

陡徑穿雲入翠微天然一窟似屏圍烟消樓閣半空出
山靜風塵盡日稀溜石澗泉清欲語依岩禪榻坐忘機
鳥啼花落春風去不與人間論是非

太虛觀

尹廷高

路入烟蘿別是天我來散髮坐風軒玉壺積翠花香潤
石洞藏丹雲氣温水影倒棲松頂鶴谷鶯遙答嶺頭猿
箇中妙處誰能畫寫入篇章當草元

月山四景之二

葉可權

曲曲水花榮吟倚香風恣賞情笑倩麴生論臭味
交同君子叙歡盟碧筒入座春光溜白羽搖窗暑氣清
翻怪靈均空製服對花不飲強惺惺

荷亭酌酒

舍南舍北綠猗猗坐倚清陰煮茗時夢入涓川思醒困
香分陽羨待搜詩童烏敲火燒枯籜老鶴衝烟過別枝
卻對此君重啜罷筒中風味少人知

竹院烹茶

又

翁高

何事區區守一邱春花過了月明秋等閑濁酒籬邊興
寂寞寒花雨裏愁不識故人猶在否每思前事且歸休
西風又是青山晚落葉無聲水自流

大樓巖絕頂望龍安洞

王養端

獨立樓岩最上巔萬峰蒼翠落飛泉俯尋玉乳平臨地
仰盡銀河直到天曾有黃龍來聽法豈無白鶴下參禪
幡然不盡愆虛與三十六泓生紫烟

唐山

貫休

誰是言休即便休高吟靜坐碧峰頭三間菴屋無人到
十里松門獨自遊明月清風宗炳社夕陽秋色庾公樓
修心未到無心地萬種千般逐水流

又

知縣傅恪

千攢萬簇景悠揚山有唐休借姓唐一派雲孫皈象教

半空曇祖俯羊腸人生幻夢成真果局面殘棋照夕陽
虎井羅峰看不盡偷閑自笑宰官忙

又

胡恒

路倚層嵐鳥去邊怪從絕頂見平田雲扶崖置松間屋
虎為僧跑石上泉小憩池塘涼寫影閒看水碓濕春烟
諸君物外同深趣書幌繩牀借坐眠

又

黃九津 邑人

石磴巉巖路幾盤精藍孤聳入雲端梵音飄渺諸天近
樹色微茫下界寬塵袂半沾嵐色濕風林乍掩葉聲乾
香厨不用僧留供戶外羣峰秀可餐

端山

屠隆

散步溪橋看野鷗一樽落日眠牛長鏡烟外山光暮
短笛風中草色秋叩角未因歌石起出關聊為著書留
百年天地都郵傳何用登臨涕泗流

飛鶴山

屠隆

矯首孤雲不可縈松簧彷彿似鳴臯千年逸氣凌霄漢
一夜西風借羽毛沙苑何妨金鏃冷緱山去伴玉笙高
因君欲訪蘇耽去海色蒼茫百丈濤

五龍山

陳灝 仁和

龍峰奇幻片雲腥孤壑淙然風雨冷巖竹叢依抱磴石
澗流雙合過山亭一天雲霧寒霄近萬里烟嵐秋色冥
漫把霜威驚落葉好將仙露醉山靈

朱永翼 嘉興

五龍山下曉雲開走霧飛烟拂面來漫道香泉分太液
誰知陽氣徹重垓半泓凝碧胎鱗甲萬畝流春絕草萊
攜屐登臨開眺望詩箋錯落倒瓊杯

得月亭

知縣 黃德裕

石筍樓空枕急遄公餘登眺倚闌干黃花對我粧晚興
綠醕逢人戰于酣山色數重雲外見水光一派鏡中看
清涼味到天心處自覺身輕振羽寒

清華宮閣

黃中

抱閣清溪樹裏來倚天樓閣俯山隈春迴花逕香風細
雨霽珠林曙色開白日雲腥龍欲起碧枝露冷鶴初回
投禪未解無生訣浪向人前說鏡臺

又

邑令

鍾宇淳

一道飛泉灑灑來萬山深護白雲隈禽言天籟虛相答
雨氣花陰闕欲開臥聽松濤風乍入行吟竹徑月初回
嗒然心地真空水不是逃虛獨倚臺

又

邑令

林剛中

開從車騎問桑麻路入西明境最佳借借蜃樓凌海市
飛飛鴛閣拂天涯慕泉作雨催詩急春樹當空送
不為詞人饒典致由來粉黛遜春華

又

屠隆

高閣憑凌四望賒真稱水木湛清華晚山黃葉明孤寺
茆屋蒼烟隔數家歲古龍蛇銷畫壁天寒鴻鴈臥金沙
舊題一半封苔蘚感慨登臨落日斜

遂邑勘災

郡守

曹掄彬

為求民瘼赴平昌風景凄然觸目傷千頃腴田沙作稻
幾村蛙室水支墻悲號婦子憐偏劇捍禦官僚計鮮良
要使澤鴻安輯永端須消息曠徒狂

九姑山 以下龍泉

關 解

危亭百仞壓崔嵬
醉挹星辰落酒杯
一握坐擎天蓋近
四簷長礙斗杓回
定知俗骨飛難及
誰信天梯上得來
惟有山前能賦客
逡巡平步到三台

又

何志修

萬瓦翬飛見渺茫
便疑亭在斗杓傍
地高每與風雲會
天近常依日月光
縹緲仙韶迎耳過
繽紛天雨散花香
凭闌下瞰乘槎路
一帶長虹跨洛陽

又

邑令 姚 穀

一亭重構冠崇岡
下瞰千岩拱四旁
作意祇留分壑景
凌空因得沂天光
銀河入夜侵衣冷
玉桂乘秋汎席香
武輩公餘堪讌集
登臨何必近重陽

武溪嶺

徐應亨

亂峰疎雨晚廉纖
雨散遙看幾點尖
洪嶺水分龍女滌
武溪山控佛兒巖
高齋傍石青浮几
虛閣憑雲翠拂簷
更喜暮天氣靄盡
萬松深處逗明蟾

匡山

馬 城

辛苦年來只自知
苦中樂事最相宜
青茶入饌甘如薺
黃蘗供茶味勝飴
誰識長吟梁父日
獨憐垂釣渭濱時
少陵自是長憂國
未必清癯只爲詩

庵畔松花點綠苔
菴前松影翠雲開
蒼龍鼓浪潮初起
白日當門雨欲來
琥珀爲丹無用鼎
茯苓釀酒且需盃
水霜節操休驚訝
天意分明厚向栽

匡山清高

馬城

自與神仙若有期
巢由遺跡欲何爲
山窗日上栽蒼犬
石洞雲深采紫芝
竹樹四圍風急夜
亭臺六月雪飛時
山中此景不多見
莫與世人俱得知

匡山環中亭

僧祀

四合峰巒紫翠堆
小亭孤峙畫圖開
九天日月循簷轉
萬壑風雷撼雨迴
窗外豹窺斑箸竹
崖根蛇護綠英梅
五塵孰識環中趣
心與風雲自往來

匡山惟天在上亭

羅復仁

匡山插翠費攀躋
烏鵲填橋接扁題
身倚雲霄華蓋近
手探月窟廣寒低
丹梯絕頂雙飛翼
茶竈輕烟九點齊
四座清風俱下列
飽聞仙樂與天鷄
欄干咫尺是丹霄
坐久都忘刻石消
闐闐排雲長可叫
斗牛在戶每相招
月明鸞鳳乘吹管
雨暖虹霓駕作橋
戲接盧敖凌八極
剛風吹動髮飄蕭

匡山烟雲萬頃亭

馬城

萬頃烟雲入岫來
只消此處結亭臺
諸峰巒聳晴猶鎖

遠樹蒼蒼曉未開已喜四時爲澤雨未容終日積陰霾
老蛟若共山人約好出深潭共九垓

金鰲峯

徐應亨

留槎閣畔汎輕舸積雨高灘漲雪瀉列嶂排空騰石馬
斷磯臨水矗金鰲聽松是處傳清籟把菊何人送濁醪
倚棹放歌吾自得輕肥不羨五陵豪

劍湖

葉世傑

宓子堂前萬柄荷並頭花發咲凌波固資地力風神迴
誠荷天恩雨露多太史擬同瓜實瑞詩人誇比麥岐歌
幾回踏黃昏月一露清香送玉珂

龍劍雙埋歐冶池秋波影動碧琉璃固知人物終難秘
化作仙葩自一奇洛下有花空並蒂人間何水是連枝
高樓開宴娛清夜風露吹香月上遲

桑溪

金與信

麗水

百尺橫拖烟渚迷孤舟入夜泊桑溪四圍山色殘陽裏
一簇人家淺水西惹動閒愁投宿鷺喚回幽夢報晨雞
曙光纔動微微月又聽林間鳥亂啼

濟川橋

陳舜俞

聞說槎洲似沃洲一溪分作兩溪流長橋跨岸虹垂地
高閣凌空蜃吐樓浩蕩乾坤供醉眼淒涼風雨送行舟

憑誰爲問槎邊客未必無人犯斗牛

又 何之奇

長橋南北臥晴虹旁結雕甍勢倚空朱戶夜閒千嶂月
畫簾涼捲夾溪風香傾綠甌登臨外影落澄波聚散中
此景世間尋不到凭欄人在廣寒宮

又 真山民 邑人

十二欄干百尺階登臨洗盡眼中埃沙痕常與水吞吐
橋影不妨船往來兩岸樓臺隨世換四山圖畫自天開
槎邊今古無窮思都付東風酒一盃

又 王毅

簾幕天香桂子秋白沙翠竹護中洲平分風月雙溪水
高摘星辰百尺樓鑄劍空懷今古跡留槎不礙去來舟
虹橋可接天河路我欲梯雲汗漫遊

又 金信

此景真如白鷺洲勢分燕尾屹中流壓波橫亘三千尺
接漢高撐十二樓遍倚危欄成勝賞迴看大塊亦虛舟
我來吟眺興懷處筆力無能挽萬牛

又 文似韓

江樓獨上勢稱雄似跨青龍出水中蘇子當年題柱客
張騫何處泛槎翁使星傍鷁來南國仙令飛鳧返漢宮

莫道斗邊波浪濶知君才是濟川工

又

許國忠

年來飛夢遶初槎綱紀重開日月華經始鴻規昭丕蹟
凌霄危構接飛霞千山環抱空中閣二水滌洞鏡裏花
遙憶放衙延眺處絃聲應遍萬人家

又

章文標

長橋雄閣寄浮槎物色新裁景自華龍臥滄江窺窟宅
層翻棟宇出雲霞濟川我愧圖無夢題柱人驚筆有花
刻羽和難鄒律動春風吹散萬人家

性果寺

真山民

管領東風入杖藜落梅香裏過招提苔痕一徑白雲濕
花影半窗紅日低欲見高僧聊爾耳便乘餘興去來兮
葛藤有話無人識付與隔林幽鳥啼

棲真寺

真山民

十載重遊古鳳棲連營新遶綠楊堤欲談時事佛無語
不管閑愁禽自啼苔滑空廊妨散步塵昏老壁失留題
僧家田地鄰家種菜甲春風綠滿畦

巾子山

以下慶元

徐應亨

巾子峰頭駕彩虹薰山直北往來通霓旌冉冉飛青嶂
雲蓋亭亭擁碧空仙仗依依微羣玉館帝闈咫尺太微宮

先朝盛事誰當繼爾輩應收萬卷功

山子問仙亭

邑令李肇勳

不須衫履不須巾太古遺來一散人
最苦簿書增俗累閒邀雪月結芳隣
蒼茫鶴跡留丹竈斷續龍吟接暮闈
進火明朝傳上苑千岩花柳共精神
靈香未盡天門閉十難又數古風
山門仰首覲仙庭鶴駕何年駐草亭
岩畔花開頃刻落岳陽人醉幾時醒
白雲詩句留烟雨瑤島鸞音望窈冥
對酒長歌非鐵笛凡間猶作玉簫聽

樊公祠

李肇勳

自漸涼德守殘疆節序忽移見舊棠
當日口碑誰可問千年俎豆尚還將
壇依伏虎風生戶門對石龍雲作鄉
圖書滿前須領畧新茶早已熟西廊

石龍山

樊公鑑

壇頂腰橫繞翠峰亭欄無鎖借雲封
上臨遙見飛壺客深入先逢啖髓翁
一步一高霄漢近四觀四達海天空
婆娑拚醉依松臥擬作蓬萊第幾重

又

孫大儒

淨土人間何處尋石龍山寺有如今
攀登未必遂高蹈游息還思沐法霖
霧隱花斑欣豹變松搖風韻喜龍吟

斜陽忽聽鷓鴣語只此凄其不自禁
何時神女下人間霞帔輕拋化作山朝露融融梳石髮
潤梅點點綴雲鬟兩彎黛色常堪挹一掬春容不忍刪
我欲搜奇頻躡屐悠然相對可消閒
仙桃山 邑人

桃峯突兀紫烟開空翠濛濛拂袖來
山際近看疑雁宕石梁遙度憶天台
春歸別圃叢花發日落高林衆鳥回
斗酒不禁詩興劇祗今誰是謫仙才

補天閣 周之德
清霄雨歇應重陽一杖尋登木末黃
萬井填城山出虎雙虹負閣水中央
愁聞鴻雁傳鄉縣忍見茱萸佩客囊
此日登臨懷作者祗餘新淚舊衣裳

文昌閣 吳俸
萬山繚繞翠屏開閣外飛湍捲雪來
拂檻桂枝侵月窟入簾霞色近天台
樽前恰恰春鶯轉花際翩翩社燕迴
日暮登臨還嘯咏何人不羨偉長才

又 吳貞明
關躋攀夜色開星河倒影入杯來
卽看武庫連東壁似文星切上台
勝侶漫誇金谷集良遊肯羨習池迴

又 吳貞明
關躋攀夜色開星河倒影入杯來
卽看武庫連東壁似文星切上台
勝侶漫誇金谷集良遊肯羨習池迴

又 吳貞明
關躋攀夜色開星河倒影入杯來
卽看武庫連東壁似文星切上台
勝侶漫誇金谷集良遊肯羨習池迴

又 吳貞明
關躋攀夜色開星河倒影入杯來
卽看武庫連東壁似文星切上台
勝侶漫誇金谷集良遊肯羨習池迴

又 吳貞明
關躋攀夜色開星河倒影入杯來
卽看武庫連東壁似文星切上台
勝侶漫誇金谷集良遊肯羨習池迴

又 吳貞明
關躋攀夜色開星河倒影入杯來
卽看武庫連東壁似文星切上台
勝侶漫誇金谷集良遊肯羨習池迴

又 吳貞明
關躋攀夜色開星河倒影入杯來
卽看武庫連東壁似文星切上台
勝侶漫誇金谷集良遊肯羨習池迴

片雲忽灑催詩雨點筆猶慙七步才

九日登文昌閣

李時芳

閣橫秋影碧山隈滿眼黃花爲我開
二十餘年頻入夢
八旬攜杖更登臺凌雲劍氣從南吐射斗文光自北來
後會還期須盡醉莫教冷落孟嘉杯

石龍寺

毛炳

陌上尋春儘日閒門前新柳未勝攀
溪環北郭浮龜石
寺枕西峯對象山雨雜松聲鳴梵閣烟含竹色隱禪關
焚香坐對客中寂薄暮遙看宿鳥還

慈照寺

王錫俸

邑人

溪迴路轉落梅香載酒尋僧到上方
夜雨當窗山更碧
春風拂岸柳初黃法身漫禮莓苔像禪室空留薜荔牆
莫道龍宮久消歇林端猶見白毫光

福善堂

吳南明

勝日郊原攬物華東山迴映野雲斜
春歸別墅饒芳草
雨過深林繡落花徑繞溪聲通佛刹坐依松影見人家
酒酣嘯咏俱成趣移榻何妨就淺沙

天馬飛馳紫霧鞍松源不動白雲寒
景崇未礙諸山入

吳經邦

劍川

翠疊從教塵海看對酒微風吹短袂
放歌飛鷺汎長湍

月明應有乘驄者思惹霓旌路渺漫

石梯嶺

天門石梯嶺

林壑盤迴竹樹幽清溪浪捲雪花浮石門瀑散千帆雨
洞穴風生六月秋隔岸競看飛布出落天直作斷虹流

匡山漫詫銀河水此地還誇百丈湫

鯉魚山

以下雲和

王德標

山如飛鳳勢翩翩人去登仙蹟尚傳竈裏丹成留伏火
洞前花落泛春泉飄搖擗葉連行徑偃蹇枯槐臥斷烟
惟有山光長不改春來秋去自年年

又

王弘華

青對門前綠遶軒高人清趣在林泉鶴翻翠滴松間露
魚躍萍開水底天芳草簷堦移榻坐落花庭館枕書眠
巢由未際唐虞世贏得閑身樂暮年

又

張可仕

山前公署長官居署後山名喚鯉魚翠
錦鱗春雨百花餘何時得水歸溟海鎮日朝天仰太虛
欲待風雷問消息禹門今昔事何如

白龍山

王存誠

路遶藤蘿石徑深上人結社住幽岑境超瀛海三千界
瑞現曇花一片陰滿座猊香騰寶霧半空梵語振潮音

輪卻禪家好風景獨勞王事走東西

馬蹟壇以下宣平

昔日喜仙此地遊馬蹄踏處至今留殘花香逐風初度
蒼蘚痕多雨乍收鐵石遺踪還不泯霓裳吹出復何求
行人欲問神仙事惟有山坑碧水流

墨山

萬仞芙蓉臺削成不知滕六夜驅兵千秋玉樹飛花白
一點金烏照地明峯頂漸看嵐翠出梅梢微覺暗香清
聖明有慶臻祥瑞擊壤歌聲樂太平

槁嶺

肩輿伊軋半山行沿路松筠似送迎田稻粒殘幽鳥啄
隴雲犁破老農畊高低紫翠供詩興濃淡烟霏不世情
吟罷就輿求一眺僕夫已報到菱坑

西巖

怪石高崢一蓋然下臨無地上撐天佛騎獅背浮空起
人遶羊腸絕壁緣仰摘星辰纔咫尺俯窺峯嶺可曾元
老僧引拂殘碑讀猶說宣平避寇年

五里壇

半間石室當幽亭拂拂風從地底生一匝黃埃微有靄
四圍綠樹寂無聲行人坐處襟懷爽醉客眠時典味清

自是地靈人俊傑南洲千古繼雲仍

石巖高聳白雲浮上有飛泉直下流萬點明珠光濺月

一條素練冷涵秋玉虹貫日驚神鬼寶劍騰空射斗牛

人傑地靈生節槩天然佳景壯南州

新嶺一蒼台

梁尚璧 邑人

三岩蒼翠通天來新闢蠶叢萬壑迴澗水有聲分壁瀉

野梅無主向塘開拂雲古木含青靄拔地修篁掩綠苔

領畧烟霞歸路晚恍疑身已過蓬萊

岱巖山 陳朝佐

岱石雙峯獨峭然遙瞻漠漠起雲烟低飛洞口舒還卷

澹抹林腰斷復連地骨蔭涼秋雨後岩扉引素夕陽天

分明華岳仙人掌鎮此移來不計年

又 陶孟端

翠岌仙峰聳碧霄晴嵐繚繞翠光搖芳林不老霜紅濕

碧草長春香韻遙深秀豈無招鶴客清奇應有爛柯樵

幾番宿雨初收霽新沐黛容不可描

白馬山 鄭開昌

白馬嘶風石韻傳依稀遺迹在岩巔雲霞洞口堆成片

日月山腰送過圓咸說金丹成此地未知爐竈廢何年

夔州府志 藝文詩七言律 宣

令人俯仰多憑吊一望溪嵐接暮烟

台山

李之麟

祇園瞻仰已多年此日登臨始豁然萬疊青山齊伏地
一輪明月獨當天咒龍會說猶無蹟陪虎相傳見有田
衣鉢近來歸六祖應教頑石悟真禪

玉巖山

祝元琨

疊疊危峯聳翠霄樓名赤石駕霓橋仰觀星斗低堪摘
俯矚烟村澹欲描洞口雲深留鶴住岩頭花發傍人飄
我來踞峽迎風坐彷彿桃源寄慨遙

谷下又

梁祚芳

古洞崆崆別一天桃花名昉自何年烹砂人去餘丹竈
飛錫僧來種石蓮留得白雲迷谷口任他紅雨咽流泉
山中抱膝常吟月領畧烟霞羨爾便

隆福寺

主事馬愈

入谷穿雲不憚賒卻憐衰老鬢年華山中綠樹皆僧舍
海上紅霞是我家雨足散爲千澗水鳥飛衝落半岩花
使君酒債見如海我欲歸時樂有涯

冲真觀

教諭舒祥

聞道仙翁去有踪葛陂投杖已爲龍丹成猶注千年井
宅廢空餘百尺松藏劍用心封石恒採金親手刻神鐘

斷碑零落無人管半在泥沙卜在巖

又

梁 杅

素筆留題紀歲時古稀迂叟動悠思青霄不見重歸鶴
丹井猶存既斷碑但得興豪添好句何妨刪後更無詩
緬懷空墜半山淚能到昇平今復誰

又

教諭 俞 介

張望冲真隔水西綠楊深處一鶯啼花間掃席開新宴
壁上揮毫續舊題丹井已隨春草沒玉聰猶憶夕陽嘶
乾坤俛仰成今古擬向山中辟穀棲

紫陽觀

徐 中

紫陽宮觀舊仙都一幅天開真畫圖雲暗亂峰秋嶽淡
樹深幽谷景模糊雨來碧澗泉聲碎月在青天鶴影孤
若遇王維重著筆輞川空自費工夫

劍履菴

王 雋

劍履猶存歲已遙真人騎鶴去難招千年馬鬣封還在
三尺龍泉氣未消紫電夜騰驚羽客白虹朝現泣山妖
祇今博物無雷煥空使光芒徹九霄

香山

以下景寧

潘 侗

秀削芙蓉擁翠鈿四時青送草堂前輕嵐捲日開圖畫
羣鳥催春奏管絃萬古乾坤同不老百年賓主若為緣

好山偏得遊人意勾引清風入洞天

勅木山

陳孟素

尋幽直上最高峯萬仞青邊一徑通直可低頭看落日
直堪垂手數飛鴻蒲塘沉碧涵秋影石湏生香驗歲功
因過招提歸路晚蒞鞋踏破白雲封

石印山

鄭蘭谷

臨安

一天楓葉半林黃漸上丹梯逸興長戲馬不須承宋武
題糕何事笑劉郎松濤入我琴聲古茗椀分他草色香
漫漫白衣人寂寂高山樹樹醉霞觴

沐鶴溪

顧之玖

千山碧翠一溪縈不產蛟龍產鶴齡破鼓還來翔磧岸
乘軒不願到沙汀沾波微潤丹砂頂立石閒梳白玉翎
莫向華亭秋夜唳且隨流水避秦刑

油口山

鄭蘭谷

逸興平分縱轡行一鞭秋色萬峯晴天橫老樹增新焰
雁度孤雲落遠聲霜薄板橋初日澹花飛古院午風清
遊人亦被村醪染贏得楓丹處處生

釣臺

鄭蘭谷

前溪不見鶴飛來片石垂竿尚有臺古樹拂雲千載幻
野花迎客一時開只今渭水成烟漲况復巖陵盡草萊

獨羨浮邱辟穀去仙風長共月徘徊

香山

會稽

峻嶒巨嶂列山靈獻木前朝得命名幽谷惟聞黃虎嘯
危崖常見白雲生地增蒼栝金城壯勢壓天台玉硯平
日夕南來多爽氣可能相對豁愁情

桂山

潘世榮

矯矯回巒伏翠猊碧岩千古照清溪星垣午夜分薇露
竹藪清風落燕泥松影絲絲涵素月花香冉冉拂層梯
浮仙去遠留雙鶴時送清聲入品題

金仙寺

潘世榮

少年湖海憶仙關解組重遊鬢已斑對竹最宜當戶月
登樓尤愛隔溪山不探物外烟霞趣誰識靜中天地寬
清世已無塵土夢杖藜寧憚日盤桓

澄照寺

潘世榮

一出衡門百慮寬烟霞穿盡到禪關松蘿虬結攢新翠
棟宇翬飛改舊觀嵐氣著衣晴似雨山風醒夢暑猶寒
小窗獨坐清無比莫怪閑雲久戀山

春日過鷓鴣峯講舍題贈學者

郡守

曹掄彬

黃平

桃李無言灌莽深空山流水動沉吟到來講舍看新構
知是良工費苦心玉笋斑生霄漢侶鶴溪聲送管絃音

春長好景休辜負，細帙披餘挾素琴。
鶴溪講堂新成喜賦四律

景寧令汪士璜揚州

闢地誅茅構講堂，好將桃李植成行。
謾言耕鑿人情古，須使詩書教澤長。
輪奐光搖細帙影，管絃聲帶藻芹香。
泮宮鐘鼓欣伊邇，木鐸從茲振一方。
前對鴉山後印山，鶴溪春水繞如環。
無邊靈秀來天地，應有文章照馬班。
不信百年需聖化，終難一日振人寰。
諸生莫負予辛苦，起做扶衰在此間。
衣冠濟盡英才都，爲先生問字來行李。
一肩天外至，門墻數仞雪中開。
燈光紅處聲千疊，山色青時思萬迴。
落筆有神堪倚馬，懸知不用鉢頻催。

山城無日不公餘，儘可頻過課讀書。
啟發最宜花放後，推敲還愛月來初。
階前子弟臨風立，檻外田疇帶雨鋤。
學校農桑兩無憾，十年心事不曾虛。

五言絕

麗陽春曉

麗水入景

夏宗堯

襄平

曉望麗陽峯，春雲淡亦濃。
幾疑螺黛染臨鏡，乍爲容

巾山夕照

落帽龍山勝，茲傳巾子名。
毫光散佛塔，卻是日西橫。

白雲疊翠

一徑白雲林仍多翠黛深層巒開秀色添作薜蘿陰

好溪夜月

月映好溪澄溪好月亦好清光一片涵夜色看誰飽

三巖瀑布

三山天外落恰復見茲岩最好鳴高瀑銀河落遠帆

少微烟雨

仙路雲踪冷山光淡少微迷離自烟雨景色畫應稀

梅山雪霽

雪色滿梅山梅花影不見日出白餘漫半露梅花面

濟川飛渡

盈盈阻衣帶恰有濟川材飛渡輕還越橫波任溯洄

菱山

以下青田

地迴雙峰起林幽翠色分亭臺依斷處花外度春雲

又

張敦復

雙嶂嵐光合孤亭野色分樓臺渾未盡斷處補閒雲

沐鶴溪嘲浣紗二女

謝康樂

我是謝康樂一箭射雙鶴試問浣紗娘箭從何處落

又

浣紗娘

浣紗誰氏女香汗濕新雨對人默無言何事甘辛苦

答嘲

浣紗娘

我是溪中鮒暫出溪頭食食罷卻還潭雲蹤何處覓

石門洞

唐李太白詩

倚年霹靂驚雲散蒼崖裂直上瀉銀河萬古流不竭

度蒼嶺

以下續雲

劉禹昭詩

盡日行方半諸山直下看白雲隨步起老徑極天盤

童子峯

吳蔚觀詩

小石似兒童大石如老姆點頭未有期含情乞鍾乳

仙都山

楊傑詩

有路入仙都何人到鼎湖秋風夜來急吹落碧蓮無

白雲洞

樊獻科詩

祠上千尋石祠前百尺潭停舟向烟渚日落碧山寒

阮客洞

唐李繇詩

阮客家何在仙雲洞口橫人聞不到處今日此中行

紫芝塢

李淑詩

不見茹芝人只聞紫芝塢我來醉白雲枕石欹芳杜

又

吳觀詩

山中白雲多塢內紫芝少紫芝不可尋白雲為誰好

初陽谷

許國忠詩

誰將混沌區鑿此三大竅曉起披雲入初陽正相照

伏虎巖

許國忠詩

怪石臥危岩儼然如伏虎疑是軒轅帝驅來護丹府
雪崖嶺

仙子雪崖來雲英谷口住丹徑綠草萋年年春如故

七言絕

烟雨樓

以下麗水

宋郡守 趙 靡

畫棟飛雲暮靄寒樓臺城郭有無間烟收雨霽會看否
見盡東南萬疊山

鶯花亭

宋 陸 游

沙外春風柳十圍綠陰依舊著黃鸝故應留與行人恨
不見秦郎半醉時

春雨溪頭長柳圍遊仙枕上賦黃鸝誰知醉臥古藤下
卻是浮生夢覺時

法安寺

宋 葉夢得

竹栢蕭森溪水南法師為我葺園菴市區收罷魚豚稅
來與彌陀共一龕

石羊山

宋 王安石 臨川

溪水清漣樹老蒼行看春樹踏春陽溪深樹密無人住
惟有幽花度水香

水障

金 文

是誰礮石爲高障從此洪濤不敢狂郡郭無虞民舍固
枯城千古賴隄防

步虛詞

唐元宗

清溪道士人不識上天下天鶴一隻洞口深鎖碧窗寒
滴露研硃點周易

混元峯

以下青田

姚述堯

陶冶乾坤歲月多龍淵凜凜動寒波功成便合橫空去
何事先生石上磨

石門山

方干

未逢仙手破天荒我得披雲第一章他日愛奇思謝客
也須因事憶劉郎

又

李子厚

人跨青牛謁帝堦有誰曾見上昇時問猿不語猿推鶴
鶴道岩前老樹知

又

虞集

千尋雲濕至今流何處重尋康樂侯欲洗窮愁須此水
道心元不著窮愁

又

葉子奇

龍泉

結門雙石鎖秋烟雲派從天自古懸山下道人吹鐵笛
夜深聲落月明船

東隱山 以下縉雲

鄭汝壁

仙吏題詩滿翠微
窪樽長此醉春暉
只今石上雲霞氣
猶挾當年鳥跡飛

小桃源 徐灤

自從習靜臥閒雲
識得東風面甚真
甲子近來都忘卻
桃花開後始知春

又 李揚 邑人

天桃夾岸醉春暉
碧水流霞濕翠微
鼓柁漁郎尋不到
洞天深處落花飛

童子峯 謝啓廷

曾聞拔宅飛鷄犬
奚事騎龍墮小臣
抱卻龍髯長竚
何年還與一扳鱗

仙都山 徐凝

天地茫茫成古今
仙都凡有幾人尋
到來唯見山高下
只是不知湖淺深

又 唐白居易 樂天

黃帝旌幢去不回
片雲孤石獨崔嵬
有時風激鼎湖浪
散作晴天雨點來

又 謝啓廷

鑄鼎鼎湖何歲月
應從鑄鏡鏡湖來
鏡湖留得湖如鏡

鼎上蓮花只浪猜

仙家原不遠人寰只是人寰莫可攀漫說騎龍天上去
祇應長在翠微間

又

吳觀

洞門春暖晝遲遲風細蓮香遍水湄一自浪傳飛白日
龍鬚馬跡到今疑

小蓬萊

孟厚

一溪清淺不勝舟峭壁橫溪翠玉浮咫尺仙都隨念到
何須海上覓瀛洲

桃花隘

吳觀

暇日琴書學種桃郎腰如柳瘦俱搖春風索笑芳塵起
一樹花開一樹嬌

漸漸韶華織綺林鶯啼燕語徧高岑東風應識名承意
一夜吹開萬古心

又

王明汲

萬山深處盡烟霞爛熳桃開洞口斜正是河陽春色好
漁人休認武陵花

外山石刻

明文徵明

百丈蒼山倚暮寒仙源無路欲通難晚來急雨天飛瀑
只許幽人隔岸看

好山

宋 朱 熹

出岫孤雲意自閒不妨王事任連環解鞍盤礴忘歸去
碧澗修筠似故山

仙巖寺

鄭士弘

清秋蠟屐探遺踪綠字殘岩蘚半封摩洗轉深千古意
不知明月上高松

廣慈寺

應覺翁

靈山波上謝明鷗東曆山前問牧牛回首蒼梧烟霧遠
稻花香冷舜田秋

玉虛宮

韓元吉

檻外風高山月明步虛山裏步虛聲罷琴刻燭初長夜
又得人間一夢清

福安寺 以下松陽

毛 漸

松竹參差日影斜蕭疎景物屬僧家玉爐火冷沉烟絕
亭本無風自落花

上方山

沈 晦

月斜樹影穿窗入雨過山泉遶舍明野寺中宵人不睡
蒲團布衲悟前生

北斗山

練 魯

隱者巢居在翠微松花服食鳶蘿衣人間萬事不著眼

坐看白雲天際飛

西山石鏡

湯顯祖

玉輪江上美人精黃鶴樓西石照明何似松陰側圓鏡
一溪苔蘚暮灘聲

萬壽山

湯顯祖

來去山前朝暮霞金光片片石蓮花如今萬歲山朝北
不似南巡望翠華

寶蓋山

楊谷山陽

綠陰遶寺稻苗肥風透長廊暑力微清睡不堪花外鳥
枕邊喚起又催歸

上方山煉丹泉

沈晦

學道空山歲月深丹成初試馬蹄金猶餘一勺丹泉井
洗盡人間名利心

卯山

吳天澤

丁字碑殘驚夢筆卯山丹就建元壇猶餘花下仙棋子
留與人間作石看

屏風山四景

以下遂昌

宋太常周述

維楊喬木翰林家底事投閒釣鷺沙真隱每嫌勞物色
烟波深處足空涯

鷺洲釣月

封事何如樂採薪峻嶒石磴步堪馴深林不識日昏曉

一任山隈臥白雲

天馬樵雲

天設名區擁翠屏
草堂風度曉鷄聲
年來不作繁華夢
飯犢郊原學耨耕

吳臯東作

歸來築室月山傍
星斗長懸午夜光
清白流芳無別業

詩書滿架酒盈缸

月崑夜讀

前題

湯顯祖

瞑踏孤舟一釣魚
半鈎新月挂蟾蜍
猶憐白鷺蕭蕭影
秋老寒塘獨照渠
白馬鞍中畫出雲
誰家伐木帶晴曛
不應長是丁丁響
時有遷鶯斷續聞

喚起青牛更莫眠
吳臯春雨杏花天
他山種樹能多少
留與陶家灑秫田

君子山前月倍清
涓涓憐與讀書聲
如今更有閒官燭
只聽吾僮三兩聲

月山

湯顯祖

樓轉松風韻紫虛
眠雲夜冷畫芙蓉
山中所有應如此
直是江南陶隱居
風露娟娟院竹林
月窗秋影夜來深
不知叢桂山中客
長聽瀟湘雲水音

酒是金荷露滴成
花如素女步輕盈
西風暮雨何時醉

便向池亭臥亦清

君子山前放午衙
濕烟青竹弄雲霞
澆將玉井峰頭水
來試桃溪雨後茶

曾山送客

唐皇甫冉

淒淒游子苦飄蓬
明月清尊祇暫同
南望千山如黛色
愁君客路在其中

金溪十峰

黃中 邑人

突兀東南玉削成
雲來一半在虛冥
巨靈劈作花千瓣
悵望秋天無賴清

芙蓉峰

何處飛來雪裏花
碧霄片片出簷牙
清芬常帶烟嵐氣

不管人間有歲華

梅花峰

拔地孤撐入大鈞
分明筆陣掃千軍
春深雨過淋漓處
滿眼雲烟綠字文

文筆峰

紫氣重重繡作堆
當空一片畫圖開
晴雲半抹峰頭出
玉几移將天上來

錦屏峰

勁翮天飛不賴風
翩翩直北下雲中
赭邱願得爲形陣
縱寫黃庭不可籠

金鷲峰

雲際雙雙接翅飛
共言天上抱花歸
廣寒高處偏多露
日午門前曬粉衣

玉蝶峯

木鳳金泥濕紫鸞
雙尖對閣綵雲端
尋常賸有烟嵐護

不許人間俗眼看

展誥峯

青海南來忘卻年一鞍高聳入雲烟日行千里不歸去
脈得山中有異泉

紫駝峯

羣峰簇簇下天門遠勢渾疑六馬奔一片晴光迷滿眼
那知紫翠變朝昏

疊秀峯

獨對峰前萬樹春青天矯矯出風塵試看禁苑千官集
爭美丹墀獨對人

獨對峯

唐山

湯顯祖

東梅嶺路踐龍蛇似阻天台石磴霞忽忽雲堂見尊者
紅魚波影白蓮花

三十六縈迴遠徑如絲雲霧開獨坐堊堂春寂寂
幽香寒雨正東梅

妙高山

柳滋溥 河東

月淡山空露未晞箇中何物不禪機松濤隱隱傳天籟
引得鐘聲到翠微

隔岸梵音

知縣 林剛中

祇樹參差簇碧雲幾龕佛火隔橋紛月移寶相林端現
風度梵音檻外聞

溪亭月色

項應瑞

臨流亭館倚晴空四壁玲瓏四面風仙吏偶來歌解慍

一輪明月正當中

河澗 九釣

訓導 周 官

傍木漁 釣情絲綸不捲晚風清自耽石上藤蘿月
豈似桐江空釣名

青城山

湯顯祖

萬仞飛泉挂石龍青城如霧洗芙蓉自非仙令鳴琴出
誰瞰秋窗玉女峯

廣仁院

周 池

石泉飛玉出雲端翦剪輕風掠地寒寄語籃輿須緩進
山色靜中看

惠衆院

翁 高

午風吹雨過經臺催促山花次第開送客不歸心正樂
禪窗臥榻白雲隈

妙高院

尹廷高

草菴卓立孤峯頂霜滑石頭山月靜天風吹落五更鐘
盡大地人都喚醒

妙高晨鐘

程雷定

崩勞勢分天柱雄半拖青靄半雲封松關鐘度千門曉
疑是濤生曲澗東

清華夜月

素影紛紛下綠波，倒牽危閣枕山河。杯中一任頻來去，不禁秋思發壯歌。

九蟠積雪訓導蔣治門

天開名勝九龍蟠，積雪陰陰可耐寒。俄聽風雷籠爪甲，還疑噴霧失山巒。

清華古閣朱應鐘

雙溪東下路猶長，高閣平臨綠水涼。下馬獨來當六月，不勝花氣逼人香。

匡山清高亭以下龍泉吳宗夏

一天爽籟入松濤，萬仞匡山傍碧霄。下視塵寰飛野馬，方知此處是清高。

昂山葉子奇

昂山青削入雲霄，五月風高雪又飄。應有仙人騎白鶴，月明聞得夜吹簫。

濟川橋葉子奇

百尺留槎溪上樓，山光水色共悠悠。龍騰寶劍無踪跡，閒倚欄杆數釣舟。

又顧大典

飛閣峇堯枕碧湔，使君清夜正留賓。簷前錯落星河影，欲泛靈槎一問津。

隱真觀

李大明

晚鐘敲罷茶烟歇白雲飛渡清風發山童尋鶴未歸來
閑拾松花候明月

文筆山 以下慶元

季時英 邑人

亭亭筆勢鬱龍嵒影蘸清池氣吐虹雁陣遙分微辨字
雲箋乍展欲書空

琵琶山

吳澍 邑人

翠巘潺潺響石泉秋風嫋嫋入鴟絃開樽坐聽風前韻
疑在江州月夜船

吳四嶺 以下雲和

季仁壽 龍泉

半日山行足力慵小樓新簾坐高春偶然記入天童路
二十里風吹晚松

靈濟山

王標

路入禪居一徑深白雲長護翠蘿陰到門山犬驚還吠
知是人間貴客臨

規溪

張可仕

行盡平原上盡山肩輿曉出暮猶還何時慰滿三農望
不使民間寸土閒

因念周時耦十古人農政久茫然商鞅已負千年罪
何不平山盡作田

桃溪 以下宜平

陶 滌

岩前芳草綠溪喧是處桃源別有源不見當年余相國
麒麟高塚臥荒園

流溪一帶水潺湲自昔家聲與共喧近來種遍陶潛柳
不見桃花滿樹繁

古鰲山

王嗣奭

甬東

銀蟾鈎子彩蜺綸太白今應有後身直上山頭望滄海
不知誰是釣鰲人

石魚磴

陳思謙

風急躍開波裏雪月明遊破水中天只應過客沾樽賞

不許漁郎把釣牽

羅岱嶺 景寧

潘 琴

羅岱山前泉水清照予華髮最分明問汝 四目雲山裏

更有何人解濯纓

詩餘

法安寺

滿庭芳

秦 觀

山抹微雲天連衰草畫角聲 一 燕門 一 停征棹聊共飲

離樽多少蓬萊舊事空回首烟 一 雲紛紛斜陽外寒鴉數

點流水遶孤 一 柳 一 銷魂 一 此 一 一 香囊暗解羅帶輕分

謾贏得秦樓薄倖 一 一 去 一 一 時見也襟袖上空染啼

宣景

痕傷情處高城望斷燈火已黃昏

鶯花亭 千秋歲

宋秦觀

柳邊沙外城郭輕寒退花影亂鶯聲碎飄零疎酒盞離
別寬永帶人不見碧雲暮合空相對 憶昔西池會鵷
鷺同飛蓋攜手處今誰在日邊清夢斷鏡裏朱顏改春
去也落紅萬點愁如海

又好事近

宋秦觀

山路雨添花花動一城春色行到小溪深處有黃鸝千
百 飛雲當面化龍蛇天矯挂空碧醉臥古藤陰下春
不知南北

栢城懷古 踏莎

張

蒼巘凌霄好溪涵碧山城望斷情無極鼓笳騷處夕陽
紅數聲雲外征鴻過 處士星輝鶯花亭間洞天迥接
蓬瀛域登臨人老百年身誰知身轉成陳迹

送林侯考績 鷓鴣天

明潘琴景寧

蓋輿亭憶鶴溪濱何忍匆匆送使君滿目風光濃似酒
一冬天氣暖于春 書最績觀皇宸喜看龍虎際風雲
懸知手把天瓢水遠作甘霖澤下民

贈既太 何公文淵作 百字令 明李存仁

尋常官去酌盃酒便作等閒離別誰似我公今去也皓

首蒼童攀轅臥轍下民瞻仰高高山林草本知飢渴借
天爲紙汎海而毫寫不盡我公廉潔 此去後怕只怕
衣紫腰金留在鳳池天闕問山無音指水無言只得慇
懃囑咐天邊月月清光有意再來照我東浙

賀高二尹獎勸

西江月

潘 援

書靜花園錦座夜良月滿春臺庭前松樹閣前梅盡是
甘棠遺愛 身有千般公事心無半點塵埃喜看一檄
遠飛來知是薇垣獎賚

題石丁菴

兩鄉子

徐上成

古剎倚欽岑一塢空青護石林溽暑涼生身似洗陰陰
別有乾坤歲月深 萬木鬱蕭森赤日行天午始侵清
籟人稀無箇事沉沉鳥語枝頭送好音

感懷

明 劉 基

萬里封侯八珍鼎食何如故鄉奈狐狸夜嘯腥風滿地
蛟螭晝舞平陸成江中澤號鴻苞荆集搗膜盡平生鐵
石腸凭欄看但雲霓四滅烟草蒼茫 不須踽踽涼涼
蓋世功名百戰場笑楊雄寂寞劉伶沉酒穠生縱誕賀
老清狂江左夷吾關中宰相濟弱扶傾計甚長桑榆外
有輕陰乍起不是斜陽

序雖劍下 吳餘則

去書玉玉空夷吾關中宰味齋源林則情甚具桑餘收

蓋世也亦百輝對笑琳琳珠真傳命亦面蘇主琳瑯寶

不 香介雲霞 妙剛草蒼亦 不貶醜醜京京

迴離夢 聖平望風山中翠幾射荷洪集 興盡平生燈

海星挂臥 運鼎食所攻 西樓素於野野射射風滿吹

想對 小園春

明 禮 基

餘人辭無前 一引且韻好則然秋音

眼首詩此遊已樂 湖木柳深森未日許天中欲對詩

溫州

